

KUSIYA ZONSE

 Mukhoza kukhala pansi. Ndimafuna kunena kuti madzulo abwino kwa nonse. Ndine wokondwa kwambiri kuti ndiri pano usikuuno. Ndi kungochitenga ichi ngati mwayi waukulu kuti ndiri pano, tchalitchi chatsopano chokoma ichi, kuti tidzawapembedze Ambuye. Ife takhala tikuyembekezera izi, kudzabwera kuno, kwa kanthawi, kudzakhala ndi nthawi ya chiyanjano ndi anthu, ndi kudzasangalala ndi madalitso, ndipo ndikudalira kuti ife takhala mdalitso kwa anthu inu. Ndipo pamene sabata ikuyamba kuti izipitirira tsopano, ndipo apo ife tikudziwa kuti msonkhano wawukulu ukubwera tsopano, kuyambira Lachinai.

² Ndipo ine ndamva kumene madzulo ano, ndi M'bale Williams, kuti ife tidzakhala ndi chodzidzimutsa chachikulu Lachinai usiku. M'bale Oral Roberts adzakhala nafe, kuti adzatilankhule, Lachitatu usiku. Icho ndithudi chidzakhala chodzidzimutsa chachikulu kwa ife tonse, chifukwa M'bale Oral ndithudi ndi woyankhula mwamphamvu. Ndipo icho chidzakhala chabwino kudzamuwona iye, inemwini, kachiwiri, kudzagwira chanza chake.

³ Ndipo ife usiku watha tinali ku Tempe, ku Assembly of God, ine ndikukhulupirira kunali, kumtunda uko. Ndipo—ndipo ife ndithudi tinali ndi nthawi yopambana usiku watha ku Tempe. Ndipo ife takhala tiri ndi nthawi yabwino mu tchalitchi chirichonse chimene ife takhala tikukachezako kuno mu dera la Phoenix, ndiponso uko mu Tempe. Ndipo ife tikungoyamikira zinthu izi kwambiri, mwakuti ife sittingathe kuzifotokoza izo.

⁴ Si kawirikawiri kamene ine ndimapeza mwayi wochitira izi, ndimangobwera kwa usiku mu tchalitchi chirichonse, ndi kudzalankhula kwa anthu ndi abale otumikira. Ndipo izo zimandipatsa ine mwayi wapang'ono kuti ndifike pofotokoza kuyamikira kwanga kwa anthu awa, zipembedzo zosiyanasiyana izi ndi magulu a anthu. Chifukwa, ndi, iwo ndi ondithandizira aakulu kunjako, mmaiko akunja ndi konsekense, ndipo mwanjira iyi ine ndikhoza kutengerapo mwayi kuti ndifotokoze mmene ine ndikumverera za iwo, powayamikira.

⁵ Ndipo ife takhala tiri ndi a independents ndi...ine ndikukhulupirira, church of God, Assemblies, ndi wina uliwonse; ndi, kutsidya kwa nyanja, a Foursquare, church of God, Assembly of God, ndi a Jesus Name. Ndi, onse a iwo, iwo onse amangowoneka kuti ndi amodzi pamene ife tibwera palimodzi kuti tidzakhale ndi msonkhano uko ku malo a nkhondo. Ndipo, inu mukudziwa, kuno kwathu kukhoza kukhala malingaliro amene ife tikhoza kumasemphanapo, koma tikafika ku malo

ankhondowo, bwanji, ndiye sikumakhalanso zosemphana. Mukuona?

⁶ Ine ndinaleredwa mu banja lalikulu. Tinalipo ana khumi. Ndipo ife anyamata timakhoza kupita kuseri, ndipo timakhoza kukamenyanako wina ndi mzake, o, mai. Anyamata naini, msungwana mmodzi, ndipo ife timakhoza kukamenyana kwenikweni. Koma wina asayelegeze kuyambana ndi mmodzi wa ife, kunjako kubwalo, chifukwa, iwo akayambana ndi mmodzi, gulu la a Branham limabwera kuchokera konse konse. Kotero ine ndikuganiza ndi m'mene zimakhalira ndi ana a a Mulungu, Mpingo.

⁷ Kuno zaka zingapo zapitazo, ine ndinali mu Houston, ndipo ife tinali ndi msonkhano wawukulu. Ndipo uko ndi a...Ine ndinali ndi ondithandizira angapo kumeneko; M'bale Raymond Richey, ndi—ndi a Assemblies of God, ndi—ndi anthu a Jesus Name, ndi onse osiyanasiyana. Ndipo ife tinali ndi msonkhano wawukulu. Ndipo ife tinali ku Music House. Chabwino, ife timakhoza kukhalamo pafupifupi eyiti sauzande, ine ndikuganiza.

⁸ Ndipo uko kunali—mtumiki wa Chibaptisti amene ankafuna kuti akanditsutse ine pa mtsutsano, pa Baibulo, kuti machiritso Auzimu sanali olondola. Chabwino, ine ndadutsamo mu zochuluka za zimenezo. Nditayirenji usiku ndi wosakhulupirira mmodzi, pamene alipo zikwi akhala uko ofuna kuti apemphereredwe, inu mukuona? Kotero ndiye iye anakaziyika izo mu pepala, kuti ine ndimachita mantha kuti ndichite zimenezo.

⁹ Ndipo M'bale Bosworth wachikulire, wa pafupifupi usinkhu wa zaka eyite uyo, iye anati, "O, mundilole ine ndikachite zimenezo."

¹⁰ Ndipo ine ndinaganiza za Kalebu, inu mukudziwa, "Mundilole ine nditenge phiri ili." Kotero ine ndinati, "M'bale Bosworth, ine—ine sindingafune kuti inu muzikakangana. Khristu samafuna kuti ife Akhristu tizikangana wina ndi mzake. Ngati munthuyo ali wosakhulupirira, bwanji, iye ndi wosakhulupirira basi, ndi zimenezo. Palibe chimene iwe unga the kuchita za zimenezo."

¹¹ Ndipo kotero iye anati, "Chabwino, mmene zilirimu," anati, "ngati ife titi tichokepo, iwo atatha kusindikiza izo mu pepala," anati, "iwo adzanena kuti ife tangokhala gulu la, inu mukudziwa, sitikudziwa zimene ife tikulankhula, basi ndife otengeka ndi zogirigisha." Iye anati, "Ine ndikukhumba inu mukadandipatsa ine mwayi." Ndipo ine ndinayang'ana pa iye ataima pamenepo, pafupifupi wa usinkhu wa zaka eyite, ndipo basi wodzidalira mu Lemba limenelo.

¹² Ine ndinati, “Chabwino, M’bale Bosworth, ngati inu mungandipatse ine dzanja lanu ndi kundilonjeza kuti inu simukachita zokangana.”

¹³ Iye anati, “O, ine sindikachita zokangana.” Kotero iye anayenda akutsikira pansi, kuti akamuuze mtolankhani.

¹⁴ Ndipo ndithudi, inu mukudziwa mmene manyuzipepala amaulutsira izo, mukuona. “Ubweya wa chipembedzo uwuluka,” inu mukudziwa.

¹⁵ Ife tinakapeza stediyanu, bwalo lochita kumapondana, ndipo usiku umenewo ife tinali ndi anthu pafupifupi sate sauzande. Ndipo izo zimasonyeza pameneopo, kuti anthu amabwera pa ndege, pa sitima. Ine ndikukuuzani inu, iwo amakwera pa ngamila ya linunda limodzi, ngamila za malinunda awiri, ndi ngamila za malinunda atatu, koma onse amakamwa pa chitsime chimenecho chimene pali malo a ife tonse, chimodzimodzi. Chirichonse chinali palimodzi. Ndipo izo zinayambika...Ine ndinangopeza dalitso lalikulu kuchokera pa zimenezo, ndikaganizira tsopano. Inu mukuona, pamene kupsyinjika kwenikweni kubwera, pameneopo panali chinthu chimodzi chimene ife tinali nacho mofanana, ife tonse tinkakhulupirira mwa Mzimu Woyerwa ndi machiritso Auzimu. Kotero aliyense amabwera kuti adzapereke gawo lake.

¹⁶ Ndipo kotero ife tikudziwa zimene zinachitika usiku umenewo, momwe Mzimu Woyerwa unadzatengera ulamuliro. Ndipo ndi pamene Mngelo wa Ambuye anadzatsika. Iwo anajambula chithunzi cha izo. Ndipo—ndiye chinapita kuchokera kumeneko kupita ku Washington D.C., kuti akachitsimikizire. Kenako, zitachitika zimenezo, icho chinatengedwa kuti chikayesedwe ndi zina zotero. Ndipo George J. Lacy, mkulu wa FBI, analemba—chikalata pa izo. Ndipo iyeyo ndi mkulu wa zikalata zodindidwa ndi zala wa—wa FBI. “Ichi ndithudi chinali Chinthu chauzimu. Kuwala kunakhudza pa lenzi. Ichi sichinali kuwerenga maganizo.” Iye anati, “Ine ndakhala ndikunena kawirikawiri kuti misonkhano yanu imakhala kuwerenga maganizo, inenso. Ine ndinkaganiza kuti inu mumawerenga maganizo a anthu awo.” Iye anati, “Koma diso la makina a kamera iyi silingajambule zowerenga maganizo, Bambo Branham. Iko kunakhudza lenzi.” Iye anati, “Ndi izi apa.”

¹⁷ Kotero, ndiye, Ichu chakhala chikujambulidwa. Ichu chinajambulidwapo izi zisanachitike, ndipo nthawi zingapo zitachitika zimenezo. Basi, ndine wothokoza kwambiri kuti ndikudziwa. Anthu ambiri kuno mwachiwonapo chithunzi chimenecho. Sichoncho inu? [Osonkhana akuti, “Ameni.”—Mkonzi.] Ine ndikuganiza, o, ambiri a inu muli nacho ichu. Ndine wokondwa kwambiri kudziwa zimenezo.

¹⁸ Ngakhale kuti kuchita kwa chipentekosite mu tsiku lotsiriza lino kwanenedwapo, koma, ine ndikukuuzani inu, potenga mbiriayakale ya Baibulo...

¹⁹ Ine ndangotsiriza kumene kudutsa m—mbiriayakale ya mpingo, zaka zingapo zomalizira, kuyambira pa imfa ya mtumwi wotsiriza, Yohane, pa chisumbu cha... pamene iye anachoka pa Chisumbu cha Patimo, ndipo anadzabwera ndi—ndi kudzatsirizitsa kulemba Mabuku ndi kuwaika Iwo palimodzi. Iye anakaidwa kumeneko chifukwa chakuti iye ankatenga Zolemba za atumwi ndipo ankapanga Baibulo kuchokera pa Zimenezo. Ndipo ndicho chifukwa chake iye anatengedwera kuti apite pa Chisumbu cha Patimo. Atatha kuwiritsidwa m'mafuta usana ndi usiku, ndipo kenako anakamuikanso iye pa chisumbucho. Ndipo iye anakawasanja Mabukuwo palimodzi. Ndipo pambali pa izo, Mulungu anamupatsa iye Bukhu lomalizira la Baibulo, Chivumbulutso.

²⁰ Ndiyeno pobwerera, ine ndinayambira pa mbiriayakale yake kumeneko, ndiyeno mpaka kwa yake... mmodzi wa omutsatira ake, Polycarp, Ignatius, ndi ambiri a iwo, mpaka mmusi kwa Martin, Irenaeus, Justus, Columbus Woyer, kumadutsa, kutsika mpaka mu m'badwo wa mdima, ndi kudutsa, ndipo mpaka kukwera mu—wa Chilutera, ndi Wesile.

²¹ Ndipo ine nadadzapeza kuti, ngakhale kuyambira mmasiku a atumwi, mu kugwira ntchito konse kwakukulu uko kwa Mzimu Woyer, panalibe mmodzi wa iwo amene anawala kuposa kusuntha komaliza uku kwa Ambuye, kuno mmasiku otsiriza ano. Ife sitimazindikira zimenezo, abwenzi. Pali zinthu zimene zikuchitika tsopano zimene zikhoza kumutsimikizira Mulungu, monga chithunzi icho cha—cha Khristu, chimene chiri ndi ife, chimene iwo analibe chida choti apangire icho, mmasiku amenewo. Koma tsopano munthu akuyesera kuti apindule chinachake, kuti achokeko kwa Mulungu, ndipo Mulungu akutenga chomwe apangacho ndi kudzitsimikizira Yekha podzera mwa icho. Kotero izo basi... Iwe sungathe konse kupita mtsogolo mwa Mulungu, chifukwa iye ndi wa mphamvuzonse, wopezeka ponseponse, wopandamalire. Palibe njira yomwe tingachokere kwa izi. Ife tingokhala odzichepetsa ndi kumamutumikira Iye, ndicho chinthu chopambana chimene ine ndikuchidziwa kuti tizichichita.

²² Ine ndikuchita manyazi, koma ine sindikukhulupirira kuti ine ndikudziwa dzina la abusawo, pano mu tchalitchi. Ine... [M'bale Griffith akutchula dzina lake—Mkonzi.] M'bale Griffith, ndine wokondwa ndithudi kuti ndakomana ndi inu, m'bale, ndi nthawi yobwera kuno ndi chiyanjano ichi, kuti ndidzakhale ndi inu, ku...

²³ Ife nthawizonse timakonda kuyankhula izi monga chonchi, kwa iwo amene akudzayenda mu Sunnyslopes, chifukwa ife ndi

amwendamnjira kuno, alendo. Ife timanena kuti kuno sikhathu. Ife ndife mbewu za Abrahamu, "Tikufunafuna Mzinda umene Wowumanga ndi Wowupanga wake ndi Mulungu."

²⁴ Ili ndi dziko lokongola. Ine sindikulingalira kuti liripo lina ngati ili, limene ine ndinayamba ndaliwonapo. Ndipo ndayenda pafupifupi fuko lirilonse pa dziko lapansi, ndipo ine sindinayambe ndawonapo lirilonse ku Europe, Italy, Asia, kulikonse ku Mmawa, limene mungalifanizitse ndi Phoenix, Arizona. Tsopano, uko ndikulondola. Awa ndi malo okongola kwambiri amene ine ndinayamba ndawawonapo. Koma, o, iwo azidzawoneka ngati bwalo la mitengo, poyerekeza ndi momwe ziti zidzakakhaliire mu Zakachikwi zopambana. Kotero ndife—ndife...

²⁵ Kuno si kwathu. Ife tadtzangokhala amwendamnjira kuno, ndipo ife tinabwera kuti tidzakhale ndi chiyanjano ichi limodzi.

²⁶ Ndi mdalitso kwa ine kuti ndidzakhale pano ndi kuuwcona mpingo wa Mulungu ukuchita bwino, nyumba yatsopano, ndi zina zotero. Mulungu azikudalitsani anthu inu nthawi zonse! Muzikhala okhulupirika kwa Khristu. Muzikhala owona kwa m'busa, ndipo muzigwirira ntchito limodzi, aliyense mogwirizana, chifukwa ine ndikukhulupirira kuti Kubwera kwa Ambuye kuli papufi.

²⁷ Tsopano, basi ife tisanawayandikire Mawu, tiyeni timuyandikire Wolembayo mu pemphero, pamene ife tikuweramitsa mitu yathu kwa mphindi chabe.

²⁸ Basi ife tisanapemphere, ndi mitu yanu ndi mitima yoweramitsidwa, kodi chiripo chopempha muno cha pemphero, ndipo inu mukhoza kuwonetsera icho pokweza dzanja, mu mtima mwanu inu muli ndi chosowa cha chinachake, ndikuti, "Ambuye Yesu, mundikumbukire ine"? Ambuye akuwona dzanja lirilonse. Ine ndikutsimikiza.

²⁹ Atate athu Akumwamba, ife tiri okondwa kwambiri kuti ife tikhoza kukutchani inu "Atate," Mlengi wamkulu wa kumwamba ndi dziko lapansi, Elohim wamkulu, El-Shaddai, Wopereka-Mphamvu, Wopereka chakudya, Mmodzi wokwanira mu zonse. Ndipo kudzera mwa Mwana Wanu yemwe wokondedwa, Iye anatiuza ife: ngati ife tingadzabwere kwa Inu, ndi kudzapempha chirichonse, pogwiritsa ntchito Dzina Lake, kuti Iye azidzawonetsetsa kuti chaperekedwa. Ndipo, Atate, ife tikukhulupirira kuti zimenezo ziri nawo malamulo ake. Ngati ife tidzapemphe chinachake chimene chiri cholakwika, ife sitimadzakhala ndi chikhulupiro kuti tingayankhidwe. Koma ngati ife titakhoza kufufuza mitima yathu usikuuno, ife sitikupempha chirichonse chimene chiri cholakwika, koma icho chimene chiri cholondola, ndicho, kuti Inu mutikhululukire ife machimo athu onse ndi zolakwitsa, pakuti zoonadi, Ambuye, icho ndicho chinthu choyambirira.

³⁰ Ife sitikufuna kuti tiyesere kukalowa mu Kukhalapo Kwanu ndi tchimo pa ife. Kotero, pozindikira kuti, tsiku lirilonse, mavuto ndi zinthu zomwe zimatifooketsa ife, zomwe mwina sittingazizindikire nkomwe mu kuganiza kwathu, koma, pamene ife tifika polingalira za Mulungu woyerwa, Amene ngakhale Angelo amakhala akuda pamaso Pake, ndiye ife tikudziwa, Ambuye, kuti ife sittingakhale nawo nkomwe mwayi pokhapokhapo ife titabwera podzera mu Magazi a Yesu Khristu, ndipo tikatero ife tikhala ana a Mulungu. Zolakwitsa zathu sizimawonedwa, pamene ife tazivomereza izo.

³¹ Ndipo ine ndikupemphera, usikuuno, Atate, kuti Inu mudalitse osonkhana awa amene anakweza mmwamba manja awo. Inu mukudziwa chimene chinali kuseri kwa lirilonse la manja amenewo: ganizo, chokhumba, ndi—ndi chopangitsa ndi cholinga chokwezera. Ine ndikupemphera kuti Inu mumupatse aliyense chopempha chawo.

³² Ndipo tsopano, Atate, ife tikupempherera mpingo uno. Ndife okondwa kwambiri, kuti, malo ano. Pamene ife tiwerenga za m'mbuoy m'masiku oyambirira, kumene Akhristu anali odedwa kwambiri, mwakuti iwo samatha ngakhale kuti akhale ndi tchalitchi. Kutu, iwo anali osauka kwambiri, iwo sakanaloledwa kumanga icho ngakhale akanakhala nazo, ndipo powona zimenezo kapena kukhala ndi mwayi woti atero. Ndipo tsopano, lero, kuwona nyumba zazikulu, zabwino zikukwera mmwamba, zokongola, mmene muli anthu, akhoza kubweramo ndi kudzapembedzamo Mulungu. Ndife othokoza kwambiri chifukwa cha izi. Ndi chifukwa cha kudziperekwa kumene, anthu, ndi zakhami zawo ndi zoperekwa ndi—zosonkha, awamangira Ambuye nyumba iyi.

³³ Tsopano, Atate, Mulungu, ine ndikupemphera kuti Inu mudalitse m'busa wake, madikoni ake, matrasti ake, ndi membala aliyense amene amabwera kuno. Mulole iwo ukule, ndi kukula, ndi kukula. Ndipo mulole, kuchokera pa mpingo uno, pakayambike chitsitsimutso cha kachitidwe-kachikale chimene chiti chidzasese chigwachi, modutsa ndi kudzadutsanso. Mulole pakakhale zizindikiro ndi zodabwitsa kuchokera pa mpingo uno, za machiritso, chipulumutso. Mulole iyo ikakhale nyumba yowalira kwa fuko lonseli. Perekani izi, Ambuye.

³⁴ Mulole, kuchokera pamalo ano, akapite alaliki abwino, amuna achichepere, a kuitana kwa Mulungu mmoyo wawo, kuti akapite ku minda ya umishonare, kulikonseko kumene iwo angaitanidwireko. Perekani izi, Ambuye.

³⁵ Ndipo usikuuno, pamene ife tasonkhana palimodzi, mulole Mzimu Woyerwa ubwere, udzalowe mu Mawu, ndipo ukangodzala Mbewu mu mtima uliwonse umene uli pano. Mulole ife ndi chikhulupiriro tikawathirire Iwo, usana ndi usiku, mpaka

Iwo ukakule kukakhala mitengo yaikulu kwa ulemerero wa Mulungu.

³⁶ Muchize munthu wodwala aliyense, Ambuye, amene ali pano usikuuno. Mupulumutse munthu wotaika aliyense. Mukawabweze obwerera m'mbuyo onse. Ndipo mukawasinthe ndi kukawadzazanso iwo amene anadzadzidwa kale. Perekani izi, Ambuye, pakuti ife tikupempha izi mu Dzina la Yesu Khristu, Mwana Wanu. Ameni.

³⁷ Tsopano, ine ndachedwerapo pang'ono, mwa chizolowezi. Kunali kotalikirako pang'ono kuno usikuuno kuposa momwe ine ndimayembekezera kuti kungakhalire.

³⁸ Ndipo koteru ife tikakhala, mawa usiku, kumalo ena ake. Ine ndikuganiza kuti iwo alengeza kale zimenezo. Ndipo tsopano, ngati inu mudzakhale ndi tchalitchi ku tchalitchi kwanuko Kuno, mawa usiku, musadzabwere kuno. Koma ngati inu simudzakhala ndi tchalitchi, ife tidzakhala okondwa kudzakhala nanu inu. Ife nthawi zonse timafuna kuti anthu azikhala pa malo awo a ntchito, mulimonsemo. Pamene tchalitchi chatsegulidwa, msilikari aliyense amayenera kuti akakhale pa udindo wake ndi pa malo ake.

³⁹ Ndipo koteru ife tiri kuno kudzacheza ndipo tikukhala ndi nthawi yopambana, basi usanayambike—msonkhano wawukulu wa Amuna Azamalonda. Ndipo monga m'mene ine ndalengezera kale, M'bale Roberts adzakhala pano kuti adzatitsegulire msonkhano, wa Lachinai usiku. Ife tidzakhala okondwa zedi kudzakumana ndi M'bale Roberts. Ndiyeno ine ndikuganiza, mwinamwake Lachisanu, M'bale Velmer Gardner adzakhala kuno. Sindikudziwa ngati iye adzakhale akulankhula usiku umenewo, kapena ayi.

⁴⁰ Ndipo ine ndikuganiza kuti maere andigwera ine, kuti ndidzakakhale kumeneko Loweruka m'mawa, pa kadzutsa. Ndipo ngati chiru chifuniro cha Mulungu, ndipo kuti ine ndidzalankhule Loweruka mmawa, ine ndikufuna kuti ndidzatenge mutu, ngati zingatheke, ngati chiru chifuniro cha Mulungu: *Munthu Waliuma kwambiri Amene Ine Ndinayamba Ndakumanapo Naye*. Kotero, ndipo—ndiyeno, Lamlungu madzulo, ine ndiri woti ndidzakayankhulanso kachiwiri. Kotero ngati muli... Tsopano, Loweluka mmawa, sikudzakhala tchalitchi, monga mmene ine ndikudziwira. Ndipo Lamlungu madzulo sikudzakhala tchalitchi, monga mmene ine ndikudziwira.

⁴¹ Tsopano, ine ndisanayambe, ine ndinaiwala kuti ine... Ayi. Ine ndikukhulupirira kuti Billy ananena kuti iye anagawa makadi onse a pemphero awo. Ndi kulondola uko? Kodi pali makadi a pemphero amene agawidwa muno usikuuno? Chabwino, iye anapereka gawo la iwo, kwa mpingo winawo,

usiku watha, chifukwa ine—ine ndakhala ndikuwasunga anthu motalika kwambiri.

⁴² Ine ndimakhala ngati ndimalalikira nthawi yaitali, maora sikisi kapena eyiti, chinachake monga choncho, nthawizina, pamene ine ndikutsirizitsa. Tsopano, ine sindi . . . Usikuuno, ine sindikulinga kuti ndilalikire kupyola theka la zimenezo. Basi . . . Kotero ine ndinaganiza kuti ife tigawe makadi a pemphero, ndiyeno ife . . . inu mukhoza kumapita kwanu pofika pakati pa usiku, mulimonse, kotero ndiye tikatha kukhala ndi mzere wa pemphero. Kotero, ngati zingakhale theka chabe la izo. Ndipo ine sindine wodziwa kwambiri, koma zimangonditengera ine nthawi yaitali kwambiri kuti ndinene zimene ine ndikuzidziwa. Kotero, zimene ine ndikuzidziwa, ine ndimakonda kuzinena izo mwabwino kwambiri, ine ndimangotenga nazo nthawi yanga, inu mukudziwa. Ndi zabwino. Ine ndimangocheza pameneopo, chifukwa i—ine ndiyesetsa kuti tizituluka, maminiti forte-faifi ena, kapena chinachake, kumapita ku mzere wa pemphero.

⁴³ Ine ndiri ndi laling'ono, Lemba limodzi apa usikuuno ine ndikufuna kuti ndiwerenge, ndi kutenga mutu, ndipo ine ndikupemphera kuti Mulungu adalitse izi. Ngati inu mukufuna kuti muwerenge izi pamene inu mukafike kunyumba, ndi mu Marko, mutu wa 10 ndi ndime ya 28.

Kenako Petro anayamba kunena ndi iye, Onani, ife tasiya zonse, ndipo takutsatirani inu.

⁴⁴ Tsopano, ine ndifuna kuti nditenge mutu, kuti ndiwumbe phunziro laling'ono pameneopo, la: *Kusiya Zonse*. Ndiyeno, mu mphindi pang'ono, ife tidzakhala tikuwapempherera odwala. Ndipo tsopano, inu amene mukudziwa bwino Marko, mutu wa 10, poika maziko. Basi . . . Yesu anakhala akulankhula, mmbuyomu, za chilekano.

⁴⁵ Ndiyeno Iye anali ndi chinthu chokhudza kwambiri choti chikachitika. Apo panali mnyamata mwini chuma anabwera akuthamangira kwa Iye, ndipo anati, “Mphunzitsi Wabwino, ndichite chiyani kuti ndikhale nawo Moyo Wamuyaya?”

Ndipo Iye anamuua iye, “Sunga malamulo.”

⁴⁶ Mnyamatayo anati, “ine ndachita izi, kuyambira ndiri mwana. Kapena, malamulo ake ati?” Ndipo Iye anamuua iye omwe iwo anali. Ndipo iye anati, “ine ndachita izi.”

⁴⁷ Iye anati, “Koma chinthu chimodzi iwe ukuchisowa. Ngati iwe ukufuna kuti ukhale nawo Moyo Wamuyaya, ukhale wangwiyo, ndiye ukagulitse zonse zimene iwe uli nazo ndipo ukazipereke izo kwa osauka. Usenze mtanda wako ndipo unditsatire Ine.”

⁴⁸ Tiyeni timutsatire mnyamata uyo kwa mphindi pang'ono ife tisanalowe mu phunzirolo, kuti tiyike maziko.

⁴⁹ Tsopano, inu mukuona, mnyamata ameneyo anafunsidwa kuti asiye zonse, koma iye anakana kuti achite zimenezo. Ndipo nthawizina ngati ife titenga kulemela ndi chuma, ndi zina zotero kukhala, “kuchita bwino,” koma mnyamata uyu anali mnyamata wochita bwino ndipo komabe analibe Moyo Wamuyaya. Kotero, nthawizina, kuchita bwino si nthawizonse kumatanthauza kuti Mulungu akukudalitsa.

⁵⁰ Koma tiyeni timutsatire iye. Ife tikumupeza iye apa tsopano mu unyamata wake, wamng’ono, mwinamwake wowoneka bwino, wamng’ono, mnyamata wovala bwino. Baibulo limanena, kuti, “Yesu anamukonda iye.” Iye ayenera kuti anali ndi chikumbumtima chokoma, chabwino, chanthete. Iye ayenera kuti anali—winawake wabwino kwambiri, kapena iye sibwenzi Ambuye Yesu atamuyamikira. Chifukwa, pamene Yesu anayang’ana pa iye, “Iye anamukonda iye.” Iye ayenera kuti anali nawo mawonekedwe okoma, ndiponso zimakhala zabwino kumuyang’ana iye, njonda yopanda zoipa, mnyamata-woleledwa bwino. Ndipo iye anayenda kupita kwa Yesu, mwinamwake akulingalira, moona mtima, ndipo anati, “Ine ndikufuna kuti ndidziwe kuti ndichite chiyani kuti ndikhale nawo Moyo Wamuyaya.”

⁵¹ Ndipo pamene iye ankachoka ndi zimene iye anazipeza, kuti akhale nawo Moyo Wamuyaya, ndiye funso linali pa chipata, kuti kodi iwe ukwanitsa zimenezo. Ndipo funso limenelo liri patsogolo pa wina aliyense wa ife. Ndipo Yesu anamufunsadi iye kuti asiye zonse zomwe iye anali nazo, atenge mtanda wake, namutsate Iye. Ndipo ife tikitidziwa nkhanayo. “Iye anachokapo ali wachisoni, chifukwa iye anali ndi chuma chambiri.”

⁵² Kenako Yesu anapotoloka, ndipo anati, “Nkovuta chotani kuti munthu wachuma akalowe mu Ufumu wa Kumwamba, monga mmene ngamilia ingathere kudutsira pa diso la singano. Koma zimenezo zingakhale zosatheka ndi munthu, koma,” Iye anati, “ndi Mulungu sizingakhale zosatheka.”

⁵³ Tiyeni timutsatire mnyamata mwini chuma uyu. Nthawi yotsatira imene ife tikumupeza iye, mu Baibulo, iye sanathe... mwamsanga pamene iye anakana mwayi woti amutsatire Yesu, pamene zinaikidwa apo kwa iye molimba kwambiri.

⁵⁴ Inu mukuona, ife timafuna kuti tigwiritsitse kwa chirichonse chimene ife tingathe, ndiyeno nkumamutsatira Yesu. Koma nthawizina Yesu amafuna kuti ife tisiyane ndi chirichonse, kuti ife timugwire Iye ndi manja onse. Nthawizina ife timaganiza kuti, basi chifukwa chakuti—chakuti ife tagwira.

⁵⁵ Zikundikumbutsa ine za chinthu chaching’ono chimene ine ndimanena kawirikawiri, za asungwana anga awiri aang’ono. Iwovo si aang’ono kwambiri tsopano, ndipo iwo ndi asungwana a usinkhu-wabwinoko. Koma, pamene iwo anali aang’ono... M’modzi wa iwo ndi Rebekah; iyeyo ndiye wamkulu. Ndi, Sarah,

iyē ndi wamng'onyo. Ndipo Becky ali ndi maso a buluu, ndipo Sarah ali ndi a bulauni. Koma onsewo ndi asungwana a adadi, inu mukudziwa. Ndipo koterō iwo amadikirira kuti andiwone ine ndikamabwera kunyumba, ndipo iwo nthawizonse amakonda kuti andiwone ine. Ndipo koterō Becky ali ngati... anali ngati msungwana wamtali, wochepa thupi. Ndipo Sarah anali wamng'ono, wokhala ngati wamfupi, kanthu kakang'ono kwambiri.

⁵⁶ Ndipo koterō iwo amandidikirira kuti ine ndibwere kunyumba, usiku wina. Ine ndinali nditachokapo ndinali ku misonkhano, ndipo iwo ankadziwa kuti ine ndibwere kunyumba, koterō iwo anaganiza zoti iwo angodikirira kanthawi pang'ono. Ndipo ngati ine ndingabwere kunyumba, iwo ankafuna kuti adzandiwone ine. Chabwino, munthu wothira mchenga ayenera kuti anamwazira mchenga mmasso mwawo, ndipo iwo anayamba kugona. Ndipo potsiriza iwo anapita kukagona, kuchipinda kwawo.

⁵⁷ Ndipo ine ndinafikako mochedwa. Koterō ine ndinalowa, ndinali nditatopa kwenikweni, ndinapita kukagona. Ndipo ikatha misonkhano, ndi zina zotero, ine ndimatopa kwambiri ine ndimalephera kuti ndigone, pakatha masabata angapo a misonkhano. Ndipo ine ndinagona pafupi maora awiri kapena atatu, ndinadzukapo, ndinapita—pa chipinda cha pabalaza, ndipo ine ndinangokhala pansi pampando. Ine ndinali nditakhala pamenepe pa mpando, molawirira mmawa.

⁵⁸ Ndipo patapita kanthawi, Becky anatembenuka, m'chipinda chake, ndipo anazindikira kuti kunali kutacha. Ndipo iyē anayang'ana kudutsira polowera, ndipo iyē anandiwona ine nditakhala pamenepe pa mpando. Anabwera kuchokera pa kama wake, mwaliwiro basi mmene iyē akanathera, miyendo yaing'ono iyo, yowonda, yaitali ikungofikira izo.

⁵⁹ Chabwino, icho—icho chinamudzidzimutsa Sarah. Ndipo ine sindikudziwa ngati ana anu amachita zimenezo, kapena ayi, koma, anga, iwe ukampezera chinachake wamkulu, ndipo winayo amatenga za mzake zakale. Ndipo Sarah anali atavala zovala zogonera za Rebekah, miyendo yaikulu, inu mukudziwa, ndipo inali yomkulira iyē. Ndipo, iyē, anabwera kuchokera pa kama, ndipo miyendo yaikulu iyo ikuuluka. Ndipo iyē amalephera kuti amupeze Rebekah.

⁶⁰ Koterō Rebekah anampitirira iyē kudzafika kwa ine. Ndipo iyē analumphira kudzakhala pa ntchafu yanga, anaponyera mikono yonse mondikumbatira ine, basi mokhala ngati... Iye anali atakhala pa bondo langa lakumanja, ndipo miyendo yake yaitali inali itafikira pansi. Iye anali atakhala-mokhazikika bwino.

⁶¹ Zikukhala ngati zikundikumbutsa ine za mabungwe aakulu oyambirira, inu mukudziwa, amene anabwerapo. Inu

mukudziwa, iwo akhala ali kuno nthawi yaitali, okhala ngati a miyendo yaitali, ndi zina zotero, okhazikika bwino-bwino.

⁶² Ndipo apa anafika Sarah, wamng'ono, mpingo wachichepere, inu mukudziwa, umene sunakhalepo kwanthawi yaitali. Ndipo iye anawona kuti Becky anali atamuchinya iye—atamuchinya iye pamenepo.

⁶³ Kotero Rebekah anali atandikumbatira ine ndi mikono yake. Iye anayang'ana uku ndi uku. Iye anati, "Sarah, mchemwali wanga, ine ndikufuna kuti iwe udziwe chinthu chimodzi." Iye anati, "Ine ndinali woyamba kufika pano." Ndipo iye anati, "ine ndawatenga adadi onse, ndipo palibe chimene chatsalira cha iwe." (Iwo amayesera kumatiuza ife zimenezo, inu mukudziwa, nthawi zonse.) Anati, "ine ndinali woyamba kufika pano, ndipo ine ndawatenga adadi onse, ndipo palibe chimene chatsalira cha iwe."

⁶⁴ Sarah wosauka wamng'ono anaweramitsa mutu wake pansi. Mulomo wake waung'ono unagwera pansi. Iye anayamba kuti azichokapo, ndi misonzi mmaso a bulauni aakulu awo. Ndipo Becky anali ataika mutu wake pa phewa langa, amakhala ngati akundikumbatira ine.

⁶⁵ Ine ndinatenga chala changa ndipo ndinachilozetsa monga *chonchi*, kwa Sarah, ndipo ndinadzausuntha mwendo winawo. Apa iye anabwera, ndipo analumphira mmwamba pa mwendo winawo, ndipo, bwanji, iye—iye—iye amalephera kuti akhazikike bwino. Miyendo yake yaingono imalephera kugunda pansi. Koma iye anali ali pamwendopo, chonchobe. Mukuona? Kotero iye anali akuzendewera monga *chonchi*.

⁶⁶ Chabwino, kuti iye asagwe, ine ndinangotenga mikono yonse ndi kumukumbatira iyeyo, monga *choncho*, kuti ndimugwire iye. Ndipo ine ndinali nditamugwira iye pafupi ndi ine, ndipo iye anaika mutu wake waung'ono pa ine kwa kanthawi.

⁶⁷ Iye anadzuka ndipo anayang'ana pa Becky, ndipo anati, "Tsopano, Rebekah, mchemwali wanga," anati, "ine ndikufuna kuti ndikuuze iwe chinachake, inenso." Iye anati, "Mwinamwake iwe uli ndi adadi onse, koma ine ndikufuna kuti iwe udziwe kuti adadi anditenga ine yense." Kotero uko nkulondola.

⁶⁸ Kotero umo ndi mmene ife tikufunira. Ife sitikufuna... Ife tikufuna kuti Iye atenge zonse za ife. Choncho, chotero, mu zonsez, kuti tichite izo, ife timayenera kuti tizingopita kumeneko ndi chikhulupiriro ndi kumamukhulupirira Iye, ndi zokhazo, ndi kungodalira basi. Ife sitingathe kuzifotokoza izo. Palibe njira yomwe tingazifotokozere izo. Ife timangokhulupirira izo, ndi kuzitenga izo monga choncho.

⁶⁹ Mnyamata mwini chuma uyu, iye sanafune kuti akadzipereke yekha kwa Khristu, ndipo kotero iye anachokapo. Ndipo ife tikudzamupeza iye, kenako, kuti iye anali... Iye anali ataleméra kwambiri, mpaka nkhokwe zake zinali zodzadza

kwambiri, mpaka iye anati, "Moyo, iwe dyerera." O, iye anali ataleméra, chirichonse. Iye anali ndi zochuluka kwambiri, iye analibe kusowa chirichonse.

⁷⁰ Koma chinachake chinachitika. Nthawi yotsatira imene ife tinadzamuwona iye, iye akukwezera mmwamba maso ake ku gehena, pamene anamuwona wopemphetsa ali patali mu chifuwa cha Abrahamu. Izo zinachitika chifukwa chakuti iye sanali wololera kuti asiyé zonse, kuti amutsatire Ambuye Yesu.

⁷¹ Ndiye, pamene izi zinachitika, ndipo mwini chuma sanathe kusiya zimene iye anali nazo, kuti amutsatire Yesu, ichi chiyenera kuti chinawululikira kwa Petro. Ine ndikukhulupirira kuti anali iyeyo amene anaperekwa ndemangayo, kapena anafunsa funsolo, analibweretsa ilo. Ndipo anati, "Tsopano, ife tasiya zonse, kuti tidzakutsatireni Inu. Ife tasiya zonse. Taonani zimene ife tachita. Ife tinasiya nyumba zathu. Ife tinasiya mabanja athu. Ife tinasiya malo athu. Ife tinasiya chirichonse chimene ife tinali nacho, kuti tidzakutsatireni Inu."

⁷² Ichi chinayamba kuululikira kwa iye. Mwinamwake iye anali atatengeka kwambiri mu ntchitoyo, yomupenyetsetsa Khristu, ndi zina zotero, kuti iye... Chinali chisanaululikire konse kwa iye, kuti iye anali atasiya nyumba yake. Iye anali atasiya banja lake. Iye anali atawasiya abambo ake, amayi ake. Iye anali atasiya zonse zimene iye anali nazo, kuti akamutsatire Yesu.

⁷³ Koma ndizo ndendende zimene Mulungu amafuna: kusiya zonse ndi kumutsatira Iye. Ichi ndi chimene Mulungu amafuna. Ife tikuyenera kuti tizichita zimenezo nafenso. Nthawizina ife timayenera kuti tiwasiye malingaliro athu omwe. Ngati malingaliro athu pa chirichonse ali otsutsana ndi Mawu a Mulungu, ife timayenera kuti tisiye kulingalira kwathukro ndi kumutsatira Iye. Ndipo njira yokhayo yomwe ife tingathe kumutsatira Iye ndiyo kutsatira Mawu Ake, kuwamvera Iwo. Ndipo chopempha cha Mulungu ndi chofuna cha Mulungu ndi chakuti ife tisiye zonse ndipo timutsatire Iye.

⁷⁴ Koma pochita zimenezo, ife timapeza kuti, nthawizina, ife timayenera kuti tiwasiye azimzathu. Nthawi zambiri chimenecho chimakhala chinthu chovuta kuchichita, tsopano, anthu ambiri, pamene iwo abwera koyamba kwa Khristu ndi kudzadzazidwa ndi Mzimu. Mwinamwake, monga akazi, akhala ali ndi phwando kumene iwo amakhala akupitako, usiku wina uliwonse, kumene iwo akhala akusewerako juga kwa oyandikana nawo. Amadziwana ndi onse—oyandikana nawo, ndi ena otero, ndipo amakhala mmagulu akuti akuti mwa oyandikana nawo, ndipo iwo amapitako, kumakasewera juga. Ndipo akazi awa, inu mukudziwa, anena chinachake za izo. Iwo sazimvetsetsa izi. Koma, apobe, inu moyenera kuti musiye chinthu chimenecho, chifukwa si zoyenera kuti muzichita juga,

kusewera makadi. Ndipo inu moyenera kusiya zimenezo ngati inu mukutsatira Khristu.

⁷⁵ Nthawizina akazi, mmatchalitchi mwathu, amene anazolowera kuvala zovala zopanda makhalidwe, monga makabudula, ndi—ndi mandakoka awa. Ndipo Baibulo limati, “Ndi chonyansa kwa Mulungu, kuti mkazi azivala zoterozo.” Iye, kaya iyeyo akuganiza chiyani, iye ayenera kuzisiya zimenezo. Nthawizina ife timawapeza akazi, pamene iwo abwera mu Njirayo ndipo apulumutsidwa, iwo anazolowera kumadula tsitsi lawo. Ndipo iwo amafuna kuti azikhala otchuka monga dziko lonse. Koma iwo amapeza kuti, icho chimakhala chinthu chovuta, chifukwa iwo azikutchani inu otsalira, nthawizone pamene inu muzikavala ngati Mkhristu, kumakachita ngati Mkhristu, kumakakhala moyo ngati Mkhristu. Iwo azikakutchanu inu otsalira, koma inu moyenera kusiya zonsezo, kuti mumutsatire Iye.

⁷⁶ Yesu anati, kapena Lemba limati, “Iye amene akonda dziko lapansi, kapena zinthu za dziko lapansi, chikondi cha Mulungu sichiri nkomwe mwa iye.” Kulondola. Chimatengera, kusiya zonse.

⁷⁷ Apo, pamene inu mwalolera kuti musiye zonse ndi kumutsatira Iye, ndiye, “Ngati inu mukhala mwa Ine, ndi Mawu Anga mwa inu, inu mukhoza kupempha chimene inu mukuchifuna ndipo chidzachitidwa kwa inu.” Koma, inu simungathe, mukudziwa kuti zinthu zimenezo ndi zolakwika. Inu mukudziwa kuti izo ndi zolakwika.

⁷⁸ Baibulo limatsutsana nazo izo: kusewera-makadi, kusutandudu, kumwa, kuvala zovala zopanda makhalidwe. Ndipo, kenako, nkumadzinenera kuti ndinu Mkhristu. Ngati mzimu umenewo mwa inu sukutsutsa zimenezo, ndiye kuti pali chinachake cholakwika ndi mzimu umene uli mwa inuwo. Chifukwa, Mulungu Amene analumba Mawu ali Mawu. Ndipo Mawu ali mwa inu, ndipo Iwo amakutsutsa iwe. Iwo ayenera kutero. Ndipo ngati izo sizingatero, inu mukunyengedwa. Mzimu Woyerungathe bwanji kulemba chinachake, ndipo inu ndikutembenukapo ndi kukachita motsutsana ndi Ichu, ndipo nkumananera kuti Mzimu Woyerungathe ukukutsogolerani inu? Inu simungathe kuchita zimenezo. Kotero, kusuta ndudu, kumwa kachasu, kusewera makadi, kudula tsitsi, kuvala makabudula, zinthu zina zonse izi, ndi zolakwika, zolakwika mwa tchimo, ndipo inu simudzatha konse kufika penapake mpaka inu mutazisia izo.

⁷⁹ Izo zikukwawira kulowa mu zochitika zathu za Chipentekosite. Manyazi pa inu. Inu moyenera kuti muchite nazo manyazi. Nzosedabwitsa kuti ife sitikutha kukhala ndi chitsitsimutso cha dziko lonse. Nzosedabwitsa kuti ife sitikutha kukhala ndi chitsitsimutso cha chipentekoste. Chinachake

chachitika. Uko nkulondola. Ife tatairira zigwiriro, ndipo zinthu zikuchitika zomwe sizimayenera kuti zizichitika. Kotero inu moyenera kusiya zonse, kuti mumutsatire Khristu.

⁸⁰ Inu moyenera musiye zanuzo, malingaliro anu omwe. Inu moyenera muziyenda limodzi ndi Mawu Ake. Ndipo sizidzatheka konse kuti Mzimu Woyeria udzakane Mawu aliwonse amene Iwo unawalankhula. Ndipo Baibulo linalembedwa ndi Mzimu Woyeria. Baibulo linanena choncho. Ndipo ngati... Mawu a Baibulo ndi Mulungu. "Pachiyambi panali Mawu, Mawu anali ndi Mulungu, ndipo Mawu anali Mulungu. Ndipo Mawu anasandulika thupi ndipo anadzakhala pakati pathu."

⁸¹ Tsopano Mawu anapangidwa Mzimu, akukhala mwa ife, "Pakuti Ine ndidzakhala ndi inu, ngakhale mwa inu, mpaka kumathero a dziko lapansi, chimaliziro." Tsopano, Mulungu yemwe uja amene analumba Baibulo ali mwa inu. Inu sindinu inu eni. Ndinu akufa kwa zinthu za dziko lapansi. Ndinu akufa kwa malingaliro anu anu, ndipo mtima umene... "Mtima umene unali mwa Khristu ukakhala mwa inu." Pamenepe, ndiye inu mukusiya zonse, kuti mukamutsatire Iye. Osati malingaliro anu anu; zimene Iye akunena. "Osati chifuniro Changa; Chanu, Ambuye." Mukatero inu mwayamba kufola mogwirizana ndi Mawu a Mulungu.

Tikhoza kukhala pamenepe nthawi yaitali, koma ine ndingothamangira patsogolo pang'ono.

⁸² "Koma," inu mukuti, "ndiye ine ndipeza chiyani, ndikasiya zonsez? Kusiya zonse, ine ndipeza chiyani?"

⁸³ Inu mukhoza kumayembekezera kuti dziko likakusekani inu. Inu mukhoza kumayembekezera kuti dziko likakutchani inu mitundu yonse ya maina onyoza. Iwo akakutchani inu chirichonse chimene iwo angathe kukutchulani inu. Inu mukanyozedwa ndi kukanidwa.

⁸⁴ Yesu, chifukwa chakuti Iye anali Emanueli, Mulungu akukhala mwa Iye, icho chinamupanga Iye kukhala wosamvetseteka kwambiri kwa mpingo Wake womwe mpaka mpingo Wake womwe unamuchotsa Iye pamene Iye anangolowa kumene. Iwo anali omwewo amene anamupachika Iye pa mtanda. Iwo anali omwewo amene anamuweruza Iye. Iye ankawakonda anthu. Mtima Wake wonse unali pa anthu. Koma iye anachita kusiya chirichonse, kuti akamutsatire Mulungu.

⁸⁵ Ndiponso ife tiyenera kusiya chirichonse, ndi cholinga chakuti tikamutsatire Mulungu.

"Tsopano, ine ndidzapeza chiyani ngati mphoto?" Ife sitimayembekezera.

⁸⁶ Nthawizina ine ndikuganiza ife azitumiki timazipanga izo kukhala zamaluwa kwambiri kwa—otembenuka. "O, bwerani

kwa Khristu, chirichonse chidzakhala chokoma.” Koma, inu mukuona, siziri monga choncho, mwanjira, yonena kuti chirichonse ndi kama wa maluwa wofewa. Chifukwa, palibe Mkhristu...

⁸⁷ Baibulo limati, “Onse amene amakhala mwaumulungu mwa Khristu Yesu adzazunzika ndi mazunzo.” Kotero ngati—ngati inu simukuvutika ndi mazunzo chifukwa cha Khristu, ndiye kuti pali chinachake cholakwika.

⁸⁸ Ngati Mdierkezi sakukutsatanitsatani inu, iye anakugwirani inu. Ndi zimenezo, chifukwa nthawi zonse pamene iye akukutsatani inu, icho ndi chizindikiro chakuti iye sanakugwirenibe inu. Koma ngati iye sakukutsatani inu, ichi ndi chizindikiro chakuti iye anakugwirani inu. Eya. Kotero muzingokumbukira kuti, nthawi zonse pamene iye akukulambwazani inu, inu mwalumphaga kangapo patsogolo pa iye apobe, ndipo muzingomapitabe mtsogolo.

⁸⁹ “Koma onse amene amakhala moyo waumulungu mwa Khristu Yesu adzavutika ndi mazunzo.” Iye anati, “Sangalalani, ndi kukondwera kwakukulu, pakuti chomwecho iwo anawazunza aneneri amene analipo inu musanakhalepo.” Izo nzoona.

⁹⁰ Musamapite ndi nkhopo yogwera-pansi, ndi kumati, “Chabwino, ine sindimayenera kuti ndichite zimenezo. Ine ndikuganiza, iwo—iwo, ine sindingathe basi kupirira kuti wina azindinena ine, ndi kumanena kuti ndine wotsalira, ndine *ichi*, *icho*, kapena *chinacho*.”

⁹¹ O, inu—inu muyenera kukhala okondwera kwakukulu, muzisangalala chifukwa cha zimenezo, chifukwa inu mukhoza kunya mula chitonzo cha Dzina Lake. Ndipo chifukwa chosunga malamulo Ake, chapangitsa inu kuti muchite zimenezo.

⁹² Koma ine ndikufuna kuti ndinene *ichi*, aponso. (Tifulumire, mwaliwiyo m’mene ife tingathere.) Mulungu sadzakhala, mwanjira iliyonse, ndi ngongole ndi munthu aliyense. Mulungu sadzakhala ndi ngongole ndi munthu aliyense. Ngati inu mwamuchitira Mulungu chimenecho, kusiya zonse, Mulungu adzakulipirani inu kasauzande. Kulondola. Mulungu adzabwezera zimenezo. Inu mukasiya zinthu za dziko lapansi, ndi dziko, ndi zinthu za mdziko lapansi, ndipo Mulungu adzakulipirani inu kambirimbi.

⁹³ Ndi angati ali mboni ya zimenezo, pano usikuuno? [Osonkhana akuti, “Ameni.”—Mkonzi.] Chabwino, ife tonse tikudziwa kuti Mulungu adzakulipirani.

Tsopano tiyeni tingotenga anthu angapo amene anasiya zonse.

⁹⁴ Tiyeni titenge, poyambilira, atate a chikhulupiriro, Abrahamu. Abrahamu anasiya dziko lake lomwe, katundu

amene iye anali naye, ndi china chirichonse. Iye anaitanidwa kuti atuluke ku Akaldea, mzinda wa Uri. Ndipo iye anasiya dziko lake, kwawo, anthu ake, ndi zonse, ndipo anamutsatira Mulungu. Iye anachita kusiya chirichonse, anazisiya izo mmbuyo. Iye anasiya lake—dziko lake, katundu wake uko mu Akaldea, mu Uri. Iye anasiya chuma chake, ndipo Mulungu anamupatsa iye dziko lonse lolonjezedwa. Mulungu amabwezera ndi chióngola dzanja chambiri. Iye anamupatsa iye. Uko tsiku ijali, pamene Iye anakumana naye iye, Iye anati, “Imilira, Abrahamu. Tayang’ana kum’mawa, kumpoto, kumadzulo, kummwera. Ine ndalipereka ilo lonse kwa iwe. Lonselo ndi lako.”

⁹⁵ Ndi limene liri vuto ndi Akhristu usikuuno. Mulungu watipatsa ife ilo, koma ife timachita mantha kuti tikalifufuze ilo. Pamene iwe ukhala Mkhristu, iwe umakhala wolandira wa lonjezo lirilonse limene liri mu Baibulo. Izo nzoona. Chirichonse chimene Mulungu analonjeza, ndi chako. Zimangofanana ndi chinyumba chachikulu kwambiri, ndipo ndi Mzimu umodzi ife tonse timabatizidwa kulowa m’chinyumba chimenechi, chimene chiri Khristu. Chabwino, ngati ine . . . Ngati winawake andipatsa ine chinachake, ine ndingakayang’ane paliponse ndi kukafufuza chimene ine ndiri nacho.

⁹⁶ Ine ndikuganiza kuti ichi ndi chimene Akhristu ayenera kuchita usikuuno. Mukafufuze zimene inu muli nazo. Ngati chinachake chiri pamwamba patali pang’ono, kuti ine sindingathe kuchifikira icho, ine ndidzipezera makwerelo a masitepe ndipo ndikakwera kukachifikira icho. Ndipo ngati chinachake chikuoneka kuti chiri patali pang’ono kosatheka kuchifikira, mu Baibulo, chimene Mulungu anachilonjeza, ine ndidzakhala pa mawondo anga ndi kukwela pa makwelero a Yakobo mpakana ine nditakachifikira icho, chifukwa icho ndi changa. Mulungu anachipereka icho kwa ine.

⁹⁷ Ngati machiritso Auzimu analonjezedwa mu Baibulo, ndipo ine ndikudwala, ine ndikakhala pamenepo mpaka Mulungu atandipatsa ine iwo, chifukwa ilo ndi lonjezo. Mulungu analonjeza kuti ine ndikadzalisiya dziko lapansi, Iye adzandipatsa ine Mzimu Woyeria. Ine ndidzakhala pomwepo mpaka Iye ataupereka Iwo kwa ine, chifukwa Iye anandilonjeza Iwo. Ngati Mulungu analonjeza kuti adzandipatsa ine chokhumba cha mtima wanga, ndipo chokhumba cha mtima wanga ndi chinthu cholondola, ine ndidzakhala pamenepo mpakana Mulungu atapereka icho, chifukwa ilo ndi lonjezo. Ndipo ine ndalisija dziko lonse. Ine ndikufuna kuti ndikayende momutsatira Iye, ndipo Iye adzandilipira. Ine ndikudziwa kuti izi ndi choonadi. Izo ndi kulondola ndendende.

⁹⁸ Kodi iye anachita chiyani? Iye anawasiya malo ake, dziko lake. Ndipo Mulungu anamupatsa iye chigawo chonsecho, kapena lonselo, kontinenti yonse ya . . . ya Palestina. Iye anasiya

kagawo kake kakang'ono ka malo kumeneko, mwinamwake ekala pamene panali nyumba yake, ndi nyumba yake yakale, kuti akalandire chirichonse chimene chinali mu Palestina. Zabwino.

⁹⁹ Koma chinhu choyamba chimene iye anachita ndi kudzipatula yekha. Iye anadzipatula yekha kwa anthu ake, okondedwa ake onse, oyanjana nawo akale amene anazolowera ku—kumayenda nawo, azimzake aku ubwana wake amene anabwera nawo kuchokera ku Babeloni, limodzi ndi iye, ndi abale ake onse, azichemwali, ndi azimzake onse amene iye ankawadziwa, oyanjana nawo ake. Pamene Mulungu anamuitana iye, Iye anati, “Dzipatule wekha kwa abale ako. Uchokeko kwa zonse izo.” Tsopano, izo zinali zokhwima, koma iye anadzipatula yekha kwa abale ake onse. Chifukwa chiani? Chifukwa iwo sibwenzi akugwirizana naye iye.

¹⁰⁰ Kodi inu mukuganiza kuti iwo akanagwirizana naye? Bambo wokalamba apa, usinkhu wa zaka sevente faifi, ndi mkazi wa usinkhu wa zaka sikisite faifi, akuti, “Inu mukudziwa chiani? Ine ndinakumana ndi Mulungu kunja kuno ndipo Iye wandiua ine kuti ine ndikhala ndi—ndi—ndi mwana tsopano, kudzera mwa Sarah.”

¹⁰¹ Bwanji, iwo, dokotala mzake, akadanena kuti, “Achikulire mutu wawo sukuyenda bwino.” Koma iye anali atagula kale maphinifolo ndi matewela, ndi china chirichonse, anali akumukonzekera iye, chifukwa iye ankadziwa kuti iye anali woti akhala naye iye. Uko nkulondola. Popanda cholepheretsa. Bwanji? Mulungu analonjeza ichi. Kulondola. Ndipo ngati gulu la anthu ilo limafuna kuti limuseke iye ndi kumaganiza kuti iye wasokonezeka mutu!

¹⁰² Iwo amachita ndi wokhulupirira aliyense mwanjira imeneyo. Mbewu yonse ya Abrahamu imakhala ndi chinhu chomwecho. Izo ndi zonna. Nthawizina mpingo wanu udzakuthamangitsani inu. Makalabu anu, malo anu—anu amene inu mulimo, ziyanjano zanu mwa oyandikana nawo anu, oyanjana nawo anu. Nthawizina bwenzi lako lachinyamata kapena lachitsikana lingakukane iwe. Koma Mulungu amafuna kuti iwe uzisiye zonsezoo, kuti umutsatire Iye. Kusiya chirichonse chimene chiri chotsutsana ndi Iye, ndi kumutsatira Iye.

¹⁰³ Tsopano, Abrahamu, atasiya anthu ake, kodi iye anapeza chiyani pambuyo pa izo? Ndi chiyani chinabwera pambali pa izo? Iye anadzakhala atate wa mafuko ambiri. Mulungu anamupanga iye atate wa mafuko ambiri. Chaching'ono chimene iye anachisiya, ndiye muwone chimene iye anadzakhala. Yesu anati, “Iye amene ati adzasiye... Ine, adzakhala nawo atate, amayi, ndi zina zotero.” Taonani zimene Abrahamu anazipeza, chifukwa cha kusiya zonse ndi kumutsatira Iye. Inde, bwana. “Atate a mafuko ambiri.”

¹⁰⁴ Koma, choyamba, iye anadzipatula yekha kwa kusakhulupirira konse, ndipo ngakhale kwa m'bale wake wozizira, wofunda, membala wa mpingo, Loti. Iye ankayenera kuti adzipatule yekha, chifukwa cha zimenezo.

¹⁰⁵ Chirichonse chimene chiri ndi kusakhulupirira mwa icho, iwe uyenera kudzipatula wekha; chirichonse, ngati icho chiri kachikhulupiriro, ngati iwe uli mu mpingo, ndipo chonse chimene iwe ukudalirapo ndi kachikhulupiriro, ndipo sumakhulupirira Mawu, ndipo ngati Mawu akutsutsana ndi... Kachikhulupiririko kakutsutsana ndi Mawu, iwe uyenera kusiya zimenezo. Iwe uyenera kuti usiye chirichonse.

¹⁰⁶ Ndipo Mulungu sanamudalitse nkomwe Abrahamu kufikira iye atatumvera Iye kwathunthu. Abrahamu ankafuna kuti awatenge abambo ake limodzi naye, ndipo bambo wachikulireyo anali ngati ntchentche m'mafuta, nthawi zonse. Potsiriza, iye anafa. Ndiye, Loti, panali ndewu ndi chirichonse. Ndiyeno mwamsanga pamene Abrahamu anatumvera Mulungu kwathunthu nadzipatula yekha, ndipo namulola Loti kuti azipita kumeneko ku malo abwinowo, kulikonse kumene iye ankafuna kuti apiteko, uko mu Sodomu, ndiye Mulungu anawonekera kwa Abrahamu, ndipo anati, "Kweza mmwamba maso ako. Ine ndikupereka chinthu chonsechi kwa iwe."

¹⁰⁷ Abrahamu anali iyeyo amene anadzipatula. Iyeyo anali mmodzi amene anadzipatula kwa zonse, kuti akatsatire, kuti akamutsatire Mulungu. Ndipo iye ndiye atate wa Chikhulupiriro. Iye ndi mmodzi iyeyo amene ife timakhulupirira kuti anali wokhulupirikayo. "Lonjezo linapangidwa kwa Abrahamu ndi Mbewu yake. Ife pokhala akufa mwa Khristu ndife mbewu ya Abrahamu, olandira palimodzi ndi Iye monga mwa lonjezo."

¹⁰⁸ Israeli anasiya Igupto. Iwo anasiya malo akale kumeneko mu Igupto. Kuti akalandire chiyani? Palestina. Iwo anabwera akuchokera ku malo owopsya aja uko mu Igupto, akapitawo ozunza.

¹⁰⁹ Ndipo alipo anthu ambiri lero, asungwana kunja kuno pa msewu, akusuta, akumwa, monga ife tinawaona kuno pa—pa wailesi, tsiku lina. Apolisi awa anachita kubwera ndi kudzamanga gulu la asungwana ilo kumeneko, uko mu msewu, atalusa ndi mzimu wa chiwanda chakale chija, chinadzalowa mwa iwo kuti azipanga gwedemula watsopano uyu, chirichonse chimene iwo amachitcha chinthucho, ndipo anali kunja uko mu msewu, atapenga mmalingaliro mwawo. Mukuona? Kwenikweni, ngati dona wamng'ono atakhala ndi makhalidwe pang'ono mwa iye, iyeyo kapena mnyamata, aliyenseyo, chinthu chimenecho ndi kapitawo wozunza amene akuwawonglera iwo kuti azikachita zimenezo.

¹¹⁰ Inu mukasiya zimenezo, ndipo Mulungu adzakupatsani inu mavinidwe. O, mayi! Iye ndithudi adzatero. Iye adzakupatsani inu china, ngati inu mutangozisiya zimenezo. Koma inu muyenera kuti musiye zinthu zonsezo, kuti mukhale nacho icho. Inu simungathe basi kuti muzipitirira ndi ziwiri zonsezo.

¹¹¹ Iye anapeza Palestina, Abrahamu anatero, kapena Israeli anatero. Iye anapeza Palestina ngati dziko lake. Iwo analisiya dziko lakalelo uko, ndipo anakapeza Palestina, dziko loyenderera mkaka ndi uchi. Inde, bwana.

¹¹² Kodi iwo anasiya chiyani? Iwo anasiya dzuwa lowotcha, pansi pa akapitawo ozunza uko mu Igupto. Kodi iwo anakapeza chiyani, atasiya kuwala kwa dzuwa lowotcha lija uko? Iwo anayamba kumayenda mu Kuwala kwa Lawi la Moto. Anasiya dzuwa lowotcha lija uko, kuti akayende mu Kuwala kwa Lawi la Moto la Mulungu. Chosinhanitsa nacho chakecho! Ine ndingakonde kutenga chosinhanitsa nacho chimenecho. Sichoncho inunso? [Osonkhana akuti, “Ameni”—Mkonzi.] Lawi la Moto. Ankayenda mu kuwala kwa dzuwa la chilengedwe, kumene iwo amakakamizidwa ndi akapitawo ozunza; kuti atuluke kumeneko ndi kumakayenda mu Kuwala kwa Mulungu, pansi pa mphamu ya Mzimu Woyer, Lawi la Moto limene linkawatsoglera iwo akupita ku dziko lolonjezedwa.

¹¹³ Chinthu chomwecho lero. Kuyenda ukutuluka mu kuwala kwa dziko lapansi lino, zinthu zimene ziri za dziko lapansi, kuti tikayende mu Kuwala kwa Mulungu. Iko kumakutsoglera iwe waku dziko lolonjezedwa.

¹¹⁴ Iwo nawonso anasiya miphika yakale ya galiki ya ku Igupto, miphika ya nyama uko mu Igupto. Kodi iwo anakapeza chiyani pamene iwo anasiya miphika yakale ya nyama ija? Iwo anayamba kumadya chakudya cha Angelo. Mana ankatsika pansi kuchokera kumwamba, kuti akatenge malo a galiki.

¹¹⁵ Tsopano, ngati inu simunayambe mwadyapo chirichonse koma galiki, mundilole ine ndikuuzeni inu chinachake, Mulungu ali nako Kumwamba kodzadza ndi Chakudya cha Angelo, kuti azikudyetsani nacho inu. Ndiko kulondola.

¹¹⁶ Chakudya cha Angelo, ichi ndi chimene iwo anapeza mmalo mwa zimenezo, mmalo mwa galiki wakale wa ku Igupto.

¹¹⁷ Iwo anasiya madzi amatope aku Igupto. Nanga iwo anakapeza chiyani kumeneko? Kuti azimwa kuchokera ku Thanthwe limene linakanthidwa mu chipululu, madzi angwiyo a Mulungu. Iwo anasiya madzi a matope akale a ku Igupto, madzi a chipembedzo chakale a matope ozondotsedwera-pansi.

¹¹⁸ Umu ndi momwe ife tikuyenera kumachitira nthawi zina lero. Kusiya kachikhulupiro kakale kaja ndi chipembedzo, zakuti, “Masiku a zozizwitsa anatha. Anthu amenewo ndi openga. Iwo angokhala gulu la oyera odzigudubuza.” Muchisiye chinthu chimenecho mmbuyyo, ndipo mubwere kuno

ndipo mudzamwe kuchokera mu Kasupe wodzadza ndi... wotumphuka kuchokera mu mitsempha ya Emanuele, kumene ochimwa akamizidwa pansi pa mafundewo amataya litsiro la zowatsutsa zawo. Inde, bwana.

¹¹⁹ Asiyeni madzi akale amatope awo, onse osakanizidwa ndi kukaikira, ndi zokhumudwitsa, ndi zokangana, ndi zodyana, ndi zina zirizonse, ndipo kumapita usiku ndi kumakakhala ndi chakudya chamadzulo cha supu, ndi kukawiritsa nkuku zina zakale ndi kukazigulitsa izo fifite senti, mbale, kuti amulipire mlaliki. Pamene, ngati inu mutabwera kuno pansi pa malamulo a Mulungu, ndi malamulo oyera a Mulungu, ndi kumayenda ndi Mulungu, inu muzidzaperekaza khumi zanu, ndipo mlalikiyo zizimuyendera bwino, ngati inu mutangoti mutenge njira ya Mulungu yochitira izo. Kulondola. Madzi akale a matope; kuti muzimwa kuchokera ku Thanthwe.

¹²⁰ Iwo anawasiya mmusi asing'anga odzibwekerera aku Igupto, onena kuti, "Ife ndife amuna anzeru kwambiri padzikolo lonse lapansi lero." Iwo anawasiya asing'anga odzibwekerera, kuti akakhale ndi Msing'anga Wamkulu. Ameni. Ine ndikufuna kumuwona msing'anga wina lero wochita monga mmene Sing'anga wamkulu uja ankachitira. Anthu amenewo anakhala mu chipululu kwa zaka forte, ndipo iwo anatulukako popanda mmodzi wofooka pakati-pakati pavo. Panalibe munthu wofooka pakati pavo, zaka forte. Uko kunali anthu oposa thuu miliyoni amene anatuluka pa nthawi imeneyo. Ndi makanda angati amabadwa usiku uliwonse? Odwala angati? Ndipo iwo anatero...

¹²¹ Ine ndikufuna kupita kwa Dokotala Mose, ndi kukayang'ana mu chikwama mwake, ndipo ndikawone kuti iye ankawapatsa mankhwala otani iwo. Kodi inu simungafune kuti mukawone zimenezo? Ine ndikuganiza kuti alipo madokotala ambiri amene angafune kuti akawone kamwedwe ka mankhwalako. Chabwino, ine ndikhoza kukuuzani inu. Ine ndinaziwerengapo izo. Inu mukufuna kuti ine ndikuuzeni inu chimene ichi chiri? "Ine ndine Ambuye amene amachiritsa nthenda zanu zonse." Izi ndi zonse zimene iye anali nazo. Ndi zokhazo zimene iye ankasowa, chifukwa iwo anawasiya asing'anga odzibwekerera, kuti akakhale ndi Sing'anga Wamkulu. Inde, bwana.

¹²² Iwo anawasiya kumeneko, anthu amene ankati, "Masiku a zozizwitsa anapita. Palibe chinthu chotere ngati zozizwitsa, panonso." Iwo anazisiya zimenezo, kuti akachite chiyani? Kodi iwo anachita chiyani ndiye? Kuti akakhale mkaati kumene mmene zozizwitsa zikanamadzachitika, tsiku ndi tsiku. Ameni.

¹²³ Anthu lero amene amanena kuti palibe chinthu chotere ngati chozizwitsa, pali chinachake cholakwika ndi malingaliro awo. Kulondola kumeneko.

¹²⁴ Munthu anandiua ine, nthawi ina, anati, “Ine sindingasamale zimene inu mwachita. Ine sindingazisamale. Ine sindingathe, kaya inu muli ndi umboni wochuluka chotani,” anati, “Ine basi sindimakhulupirira zimenezo.”

¹²⁵ Ine ndinati, “Ndithudi ayi. Inu simungaziwone nkomwe zimenezo. Ndinu wakhungu kwambiri basi kuti muziwone izo.” Uko nkulondola. Ine ndinati, “Izi si za osakhulupirira. Izi ndi za okhulupirira. Okhulupirira amaziwona izo.” Uko nkulondola.

¹²⁶ Munthu wina anati kwa ine, nthawi yina, anakumana ndi ine pa msewu, anati, “Inu mukulakwitsa mu Chiphunzitso chanu.”

Ine ndinati, “Icho ndi Baibulo.”

¹²⁷ Iye anati, “Inu mukulakwitsa.” Iye anati, “Ndiye, ine ndikutsutsana ndi inu.” Anati, ndiye, “Mundikanthe ine ndi khungu. Paulo anamukantha munthu ndi khungu nthawi ina.” Anati, “Mundikanthe ine ndi khungu.”

¹²⁸ Ine ndinati, “Ine—ine—ine sindingathe kuchita zimenezo. Ndinu wakhungu kale. Eya. Ndinu...Ine ndingathe bwanjji kuchita zimene atate wanu, Mdierenkezi, wachita kale?” Uko nkulondola. “Ndinu wakhungu kale.” Munthu wonena chinthu ngati chimenecho, ndi—ndi wakhungu kwambiri, iye sakudziwa kusiyaniitsa pakati pa masana ndi usiku. Iye sangathe kuzindikira pakati pa ziwigizo, Moyo kapena imfa. Uko ndi kukhala wakhungu kwenikweni. Inde, bwana. Inde.

¹²⁹ Msing’anga wamkulu anali ndi iwo, ndipo iwo anawona zozizwitsa zikuchitika. Ndithudi.

¹³⁰ Ophunzira, kodi iwo anasiya chiyani? Iwo anali ndi maukonde, maukonde a nsomba. Iwo anasiya maukonde awo a nsomba, kuti azikayenda ndi Iye, ndi kumakawona zizindikiro Zake, ndi zozizwitsa, ndi mphamvu Yake, zakuti anali Mesiya. Aliyense amene sangathe kusiya kupha nsomba kwa tsiku limodzi, kuti atsatire zimenezo, pali chinachake cholakwika. Iwo anasiya maukonde awo, odzadza ndi nsomba. Iwo anayamba kukoka, ndipo anali atapha zochuluka kwambiri kuposa mmene iwo anayamba apherapo. Ndipo iwo anasiya china chirichonse cha izo, kuti akamutsatire Iye, chifukwa iwo ankakhulupirira mu mtima mwawo kuti Iye anali Mesiya. Ndipo iwo ankafuna kuti azimutsatire Iye, kuti akawone ngati zizindikirozo zingakamamutsatire Iye ngati Mesiya. Ndipo iwo anaziwonadi izo.

¹³¹ Ine ndingasiye chirichonse mu dziko, ine sindikusamala kuti icho ndi chiyani, kuti ndikamuwone Yesu Khristu akudziwonetsira Yekha, makamaka pamene zikuwonetseredwa mu moyo mwanga, zikatero ine ndidziwa kuti ine ndadutsa kuchokera ku imfa ndapita ku Moyo, ndipo ine ndidziwa kuti Iye ndi Mesiya. Ine ndikudziwa, pakumutenga Iye pa Mawu Ake, kuti Iye wandipulumutsa ine kuchokera ku moyo wa tchimo. Ndipo ine ndikudziwa kuti Mzimu Woyerwa ukukhala mwa ine.

Ine ndikuwona zizindikiro Zake, paliponse, zikuloza izo. Ine ndikudziwa kuti Iyeyo ali yemweyo dzulo, lero, ndi kwanthawi zonse. Kusiya zonse, ine ndiri wololera kuti ndisiye chirichonse.

¹³² Ine ndinali wa bungwe labwino, mpingo wabwino, umodzi wa mipinga yabwino imene ilipo mu dziko. Koma iwo anati, “Billy, iwe uchita misala ndipo ukhala wodzigubuduawayera.”

¹³³ Pomwepo, ine ndinati, “Inu mukhoza kungotenga khadi langa la chiyanjano pomwe pano, chifukwa ine ndikukatsatira Mzimu Woyer.” Uko nkulondola. Zoono.

¹³⁴ Ndipo iwe umayenera kusiya chirichonse, uko nkulondola, kuti umutsatire Iye. Koma iye amene ati adzasiye zonse, ndi kumutsatira Iye, Mulungu amalipira mwa madalitso ochuluka a chuma. Palibe chimene mungachifanizitse ndi zimenezo. Chabwino.

¹³⁵ Tsopano, ophunzira anasiya maukonde awo, ndi maukonde ozadza ndi nsomba, ntchito zawo. Iwo anasiya ntchito zawo, kuti akamutsatire Ambuye Yesu, kuti akawone mphamvu Yake, akawone chizindikiro. Amuna amenewo anali amuna ophunzitsidwa. Iwo ankadziwa chimene Mesiya ankayenera kuti adzachite. Iwo anali atawerenga, uko mu Baibulo. Iwo ancamvetsa basi zomwe Mesiya amati adzachite. Iwo ankadziwa kuti inali nthawi yake yoti izo zidzachitike. Ndipo pamene iwo anamuwona Mwamuna uyu akutulukira powonekera, Amene anakwanira chithunzicho, ndiye iwo anali okonzeka kuti akasiye chirichonse, kuti akamvetsere ku chimene Iye amati anene. Chifukwa, ngati uyu anali Mesiya, ndiye ichi chinali Moyo kwa iwo, chifukwa iwo anali ataitanidwa kuti amtsatire Iye. Kotero iwo anasiya chirichonse.

¹³⁶ Ziri chimodzimodzi lero, ngati *Ichi* chiri cholondola, ngati Uthenga uwu wa ubatizo wa Mzimu Woyer m’masiku otsiriza ano, pamene Iye anati Iye akanadzatsanulira zonse mvula ya nyundo ndi yamasika pa ife. Ngati zinthu izi ziri zolondola, Ndi zojenera kusiya chirichonse. Kuwutsatira Iwo.

¹³⁷ Yesu anati, “Zizindikiro izi zidzawatsatira iwo amene akhulupirira. Iye amene akhulupirira mwa Ine, ngakhale iye atafa, komabe iye adzakhala ndi moyo. Ndipo aliyense amene akhala moyo ndi kukhulupirira mwa Ine sadzafa konse. Iye amene akhulupirira pa Ine, ntchito zimene Ine ndikuzichita iye azidzazichita nayenso.” Zoono.

¹³⁸ “Pitani inu m’dziko lonse, kwa cholengedwa chirichonse. Zizindikiro izi zidzawatsatira iwo amene akhulupirira. Mu Dzina Langa iwo azidzatulutsa ziwanda, azidzalankhula ndi malirime atsopano, azidzatola njoka. Iwo akamwa zinthu zakupha, izo sizimadzawapweteka iwo. Ngati iwo akadzaika manja awo pa odwala, iwo adzachira.” Ndi zimene Iye ankanena.

¹³⁹ “Monga Atate anandituma Ine, koteri Ine ndikutumani inu.” Atate amene anatuma Mwana, amapita ndi Mwanayo, ndipo amakhala mwa Mwanayo. Yesu amene amamutuma munthu, amapita naye iye, ndipo amakhala mwa iye, kuti akapange ndi kukachita ntchito zomwezo. “Taonani, Ine ndidzakhala ndi inu nthawizone, ngakhale mpaka kumathero a dziko lapansi. Ndipo ntchito zimene Ine ndikuchita inu muzidzazichita nanunso.”

¹⁴⁰ M’bale, ngati zimenezo siziri zabwino kuposa tizikhulupiriro takale ndi zinthu za mdziko, ndi kukhala wa zina zake uko zimene zimakana zonse Izo! Bwanji, ine ndikuganiza ife tiyenera kukhala anthu okondwa kwambiri mu dziko, kumuwona Mulungu wamoyo akuyendayenda pakati pa ife monga chonchi; tikudziwa kuti ife tasiya zonse, kuti timutsatire Iye. Ameni. Izo zikundipanga ine kumverera mwachipembedzo. Kusiya zonse, kuti timutsatire Ambuye Yesu. Chimodzimodzinso lero, inu muyenera kusiya zonse. Basi monga mmene iwo anachitira kumbuyo uko, inu muyenera kutero, inunso.

¹⁴¹ Tsopano, inu mukakamba za munthu winawake kusiya chinachake, tiyen'i tiwone zimene, Yesu, Yesu anazisiya chifukwa cha ife. Yesu anasiya chirichonse. Iye anali ndi nyumba Kumwamba. Ndipo Iye anasiya nyumba Yake Kumwamba, ndipo anabwera pa dziko lapansi, ndipo analibe ngakhale malo oti adzayikepo mutu Wake. Uko nkulondola. Iye anadzakhala wotsika kwambiri, mpaka Iye samatha...wosauka kwambiri, mpaka Iye analibe ngakhale bedi yoti agonepo. Iye anati, “Ankhandwe ali nawo mauna, ndipo mbalame ziri nawo mlengalenga...za m’mlengalenga, ziri nazo zisa, koma Mwana wa munthu alibe ngakhale malo woti angaikepo mutu Wake.” Mukuona? Koma kodi Iye anapeza chiyani pochita zimenezo? Iye anakwezedwa m’mwamba kwambiri mpaka Iye amachita kuyang’ana pansi kuti awone kumwamba.

¹⁴² Iye anabwera ku dziko lapansi, anadzatenga dzina lotsikitsitsa limene likanakhoza kutengedwa pa dziko. Iye anali ndi dzina lotsikitsitsa, anatenga dzina lotsikitsitsa, ankatchedwa Belezebule. Belezebule ndi...Pamene iwo anamuwona Iye akuzindikira mizimu uko monga choncho, iwo anati, “Iye ndi wambwebwe. Iye ndi Belezebule, mdierekezi.” Wambwebwe ndi mdierekezi. Ndipo iwo ankamutcha Iye mdierekezi, wotsikisitsa wa onsewo. Iye anali ndi dzina lotsikitsitsa.

¹⁴³ Iye anapita ku mzinda wotsikitsitsa. Ndipo munthu wochepetsetsa mu mzindawo ankamuyang’ana Iye pamutu pake; Zakeyu, uko—uko nkulondola, ku Yeriko. Kumusi kwenikweni, iye ndithudi anatero. Iye anali ndi dzina lotsikitsitsa limene linakhala pa dziko lapansi. Iye anabwera pa dziko lapansi ali “wapathengo,” iwo ankamutcha Iye, chifukwa iwo ankakhulupirira kwenikweni kuti Mwanayo anabadwira kunja kwa chikwati choyerwa. Iye anali ndi ichi choti

alimbane nacho, kuyamba ndi kuyamba. Kenako anamutcha dzina lakuti Belezebule, lotskitsitsa limene likanapatsidwa. Iye anasiya malo Ake akumwamba, ndipo anabwera kuti adzatenge zimenezo.

¹⁴⁴ Koma Mulungu anampatsa Iye Dzina loposa dzina lirilonse limene limatchulidwa Kumwamba, dzina lirilonse limene limatchulidwa padziko lapansi, mpaka banja lonse Kumwamba ndi pa dziko lapansi likutchedwa Ambuye Yesu. Aleluya! Ndi zimenezotu. Iye anasiya; Iye anapatsidwa mphotho. Ndithudi, Iye anatero. Chabwino.

¹⁴⁵ Iye anabwera ku dziko lapansi, Mlenyi wa miyamba ndi dziko lapansi, ndipo Iye analibe kanthu koti adye. Satana anamuyesa Iye, anasala chakudya chifukwa cha ife, koma Iye analandira chakudya chimene ena sankadziwa kanthu za icho.

Tsiku lina Iye ananena chomwecho. “Ine ndiri nacho chakudya.”

Anati, “Bwanji Inu simukubwera, kudzadya?”

¹⁴⁶ Iye anati, “Ine ndiri nacho Chakudya chimene inu simukuchidziwa.” Uko ndi kulondola. Iye anali ndi Chakudya chimene iwo sankachidziwa.

¹⁴⁷ Kuno pa dziko lapansi, Iye analibe msasa, iwo anati, analibe malo, analibe nyumba, analibe kanthu kamene kanali ka Iyeyo. Koma inu mukudziwa chiyani? Iye anadzakhala Msasa wa aliyense wa ife. Mulungu anamupanga Iye kukhala Msasa, wa mtundu wonse wa anthu. Iye analibe msasa Wakewake, koma Iye ali Msasa wathu.

¹⁴⁸ Iwo akhala akulankhula kwambiri za misasa yodzitetezera. O, mai! Ife tiri nawo umodzi. Uko nkulondola. Misasa yodzitetezera, akulowa mudzenje lina lapansi. Ndipo iwo akundiua ine kuti, “Mabomba amenewo adzamenya ndipo adzaphulitsa dzenje mu nthaka, la mapazi handirede-ndififite kuya kwake, la mailosi handirede-ndi-chinachake monse monse.” Bwanji, izo zidzakhoza kudzaswa fupa lirilonse mwa inu, ngati inu muti mudzakhale muli kuya kwa theka la mailosi mu nthaka. Ndithudi, izo zidzatero, paliponse. Koma ife tiri nawo Msasa. Khristu ndiye Msasa wathu. Ameni.

¹⁴⁹ Monga mmene ine ndinanenera usiku wina, iwo akhala ali, Russia wakhala akudzibwekerera chikhaldwe chawo cha kudzibwekerera, kwakukulu, “Ife tinakamuika munthu mu mlengalenga, moyambirira.”

¹⁵⁰ Ine ndikutsutsana ndi zimenezo. Ife tinakhalapo naye Mmodzi mu mlengalenga zaka thuu sauozande. Ameni. Kulondola. Inde, bwana. Wokhalira pakati, inde, bwana, amene amapita Kumwamba, ndi kubwererako, basi mu kanusu ka mphindi. Zedi. Ife tiri naye Mwamuna mu mlengalenga. Iwo alibe kanthu kalikonse. Inde, bwana. Kulondola. Chabwino. Ife

tikupeza kuti Iye analibe . . . Iye anachita kudzakhala Msasa wa ife tonse.

¹⁵¹ Iye anawusiya Umwana wake, pakati pa Iye ndi Atate, kuti adzapangidwe tchimo m'malo mwa ife. Kodi inu mumadziwa zimenezo? "Iye sankalidziwa tchimo; anadzakhala tchimo m'malo mwathu. Machimo athu anayikidwa pa Iye." Iye anausiya Umwana, kuti adzakhale tchimo, tsopano Iye akhoza kuwapanga ochimwa kukhala ana. Ameni. Limenelo ndiro gawo labwino, anatitenga ochimwa ndi kudzatipanga kukhala ana. Pamene Iye anawusiya Umwana wake, kuti adzakhale tchimo, tsopano Iye akuwatenga ochimwa ndi kuwapanga kukhala ana aamuna mwa iwo. Ameni. Mwayi wakewo! Inde, bwana.

¹⁵² Mulungu sangathe kutchipitsidwa pa chirichonse. Ayi, bwana. Inu simungathe kuchita zimenezo, chifukwa Mulungu amasamalira zimenezo. Mwana Wake anadzakhala chopereka cha tchimo, kuti Iye adzathe kugula tsopano, kudzawatenga ochimwa ndi kudzawapanga kukhala ana a Mulungu mwa iwo. Ichi ndi chinthu chokongola bwanji. Eya!

¹⁵³ Tsopano, inde, bwana, Iye—Iye anapereka mphamu Zake. Iye anadzakhala wofooka, kuti Iye adzakhale mphamu yathu. Iye ali Mphamu zathu zonse-zokwanira. Ife sitikusowa mphamu ina koma mphamu ya Ambuye Yesu. "Iye ndiye Mphamu yanga ya tsiku ndi tsiku. Popanda Iye ine ndikhoza kugwa," anatero wa ndakatulo. Ndi zodabwitsa bwanji!

¹⁵⁴ Zimene inu munazisiya; zimene inu munalandira, chifukwa cha zimene inu munazisiya! Mai! Mulisiye dziko lapansi. Muwasiye malingaliro anu omwe. Musiye zokaikira zanu. Muzisiye zokhumudwitsa zanu. Muzisiye izo, ndipo mumulandire Iye. Mumukhulupirire Iye.

¹⁵⁵ Mukuti, "Tsopano, kodi ziri choncho? Kodi masiku a zozizwitsa anapita?" Musiye malingaliro a mtundu umenewo. Mukhulupirire izo.

¹⁵⁶ Winawake anati, "Kodi Yesu ndi Mchiritsi kwenikweni, kapena izi zangokhala—mulu wa malingaliro a mmunu ongopanga amene anthu awa ali nawo?" Mungowasiya malingaliro amenewo, nthawi imodzi.

¹⁵⁷ "Tsopano, iwe ungadziwe bwanji ngati ziti zikhale zolondola kapena ayi?" Ilo ndi lonjezo. Ndi mmene iwe umadziwira.

¹⁵⁸ Inu mukuti, "O, ine ndikukhulupirira Mzimu Woyeru unali wa anthu akale, nthawi yakale m'mbuyo, wa ophunzira okha basi." O, sizingatetheke. Ndiye, ngati ziri choncho, Baibulo likuzitsutsa lokha.

¹⁵⁹ Petro ananena, pa Tsiku la Pentekoste, "Lapani, ndipo mubatizidwe aliyense wa inu mu Dzina la Yesu Khristu kuloza ku chikhululukiro cha machimo anu, ndipo inu mudzalandira mphatso ya Mzimu Woyeru. Pakuti lonjezano liri kwa inu, kwa

ana anu, ndi kwa iwo amene ali kutali, ngakhale onse amene Ambuye Mulungu wathu adzawaitana.” Ndiye ndi lonjezo la Mulungu, kuti ife tizitero, onse amene Mulungu awaitanira kwa Mzimu Woyeria, inu muli nawo ufulu wobwera. Mungosiya malingaliro anu a Izo, ndipo mutenge Mawu okhazikika a Mulungu a izo.

¹⁶⁰ Inu mukuti, “Kodi chiripo chinthu choterocho, kuti anthu akhoza kulankhula mmalirime, kapena kodi zimenezo zangokhala zopusa zina, kapena kubwebweta kwina komwe iwo anachita?” Mungosiya malingaliro anuwo.

¹⁶¹ Yesu ananena kuti, “Zizindikiro izi zidzawatsata iwo amene akhulupirira. Iwo azidzalankhula ndi malirime atsopano.” Baibulo linanena choncho. Inde, bwana.

¹⁶² “M’bale, kodi zizindikiro izi zimene ine ndimaziwona mu—mu misonkhano, kodi zimenezo angakhale Mulungu?” Ndithudi, zikhoza kukhala choncho. “Chabwino, ine ndawawonapo anthu amene amakhala moyo wa mtundu uliwonse, ndipo iwo amapita ndipo amakapempherera odwala, ndipo iwo amakachira. Ine...”

¹⁶³ Yesu anati, “Palibe munthu yemwe angachite chozizwitsa mu Dzina Langa, nthawi yomweyo nkulankhula monyoza Ine.” Uko nkulondola.

¹⁶⁴ Ngati munthuyyo akulakwitsa, pomatenga mphatso ya Mulungu ndi kumachita chinachake cholakwika, Mulungu adzachita naye iyeyo. Koma ndi Mulungu, chimodzimodzi basi. Ndithudi, ndi choncho. Chifukwa iyeyo ndi wachinyengo, izo ziyanera zikupangeni inu kuti muziwala bwino. Inu simungathe kukhala ndi... Njira yokhayo yomwe inu mungakhalire ndi yeniyeni... D—dola yachinyengo, iyenera kupangidwa mofanizidwa ndi yeniyeni.

¹⁶⁵ Ndipo aliyense akati, “Ine sindipita ku tchalitchi. Ine sindikufuna kuti ndipite ku tchalitchi. Kuli achinyengo ambiri.” Bwanji, ndinu wamng’ono kuyerekeza ndi iwowo. Inu mukuyesera kuti muzibisala kumbuyo kwa iwo. Ngati inu mungakhoze kubisala kumbuyo kwa iwo, ndinu wamng’ono kuyerekeza ndi iwowo. Uko nkulondola.

¹⁶⁶ Ine ndinawerenga nkhanu yaying’ono mu nyuzipepala tsiku lina, imene bambo wachikulire... Iye anali zonse wosamva, wosalankhula, ndi wakhungu, ndipo iye ankapita ku Sande sukulu Lamlungu lirilonse. Ndipo iwo anamufunsa iye, pogwiritsa ntchito burello, anati, “Chifukwa chiyani inu mumapita ku tchalitchi? Inu simumatha kumva zimene mlaliki akunena. Inu simungathe kumva nyimbo iliyonseyo. Chifukwa chiyani inu mumapita ku tchalitchi?”

¹⁶⁷ Ndipo iye anati, “Ine ndimangofuna kuti aliyense adziwe mbali yomwe ine ndiri.” Ankangofuna kuti amudziwitse

Mdierekezi ndi aliyense mbali yomwe iye anali. Ine ndikuganiza kuti izo ndi zabwino. Inde, bwana.

¹⁶⁸ Ndi chiyaninso chimene Yesu anachita? Iye anapereka ndipo anawusiya Moyo Wake womwe. Iye anapereka Moyo Wake, kuti adzapulumutse wanu ndi wanga. Chifukwa chakuti Iye—chakuti Iye anapereka moyo Wake... Iye sankasowa kuti akawuyike iwo pansi. Iye anachita izo mwakufuna kwake. Iye sankasowa kuti achite zimenezo, koma Iye anachita izo mwakufuna kwake, chifukwa Iye adzakhoze kukupulumutsani inu. Ndipo tsopano Iye ali mmodzi yekhayo amene angakhoze kukupulumutsani inu. Palibe china chirichonse chimene chingakhoze kukupulumutsani inu.

¹⁶⁹ Ine ndikudziwa pali chipembedzo chimene chimanena kuti tchalitchi chawo chimakupulumutsa iwe. “Iwe umapulumutsidwa ndi tchalitchi.”

¹⁷⁰ Iwe unapulumutsidwa ndi Yesu Khristu kapena iwe wataika. Inde, bwana. Palibe chimene iwe unga the kuchita, palibe chinthu chimodzi chimene iwe unga the kuchita, kulapa tchimo lako basi. Yesu Khristu ali Mpulumutsi. Inde, bwana. Iye anapereka, Iye anapereka moyo Wake chifukwa cha inu.

¹⁷¹ Tsopano, ine ndikuganiza kuti, lero... Pamene ife tikutseka, ife tikhaza kunena ichi. Kutu, chikutikakamiza ife, ndiyi, kuti ife tipereke moyo wathu ndi zathu zonse, ndi kusiya chirichonse chimene chiri cha chidziko, chirichonse chimene sichiri chaumulungu, kusakhulupirira kwathu konse, ndi chirichonse, kuti tifike pomutsatira Iye monga ophunzira aja anachitira. Kodi inu simungafune kuti muchite zimenezo? [Osonkhana akuti, “Ameni.”—Mkonzi.] Kumutsatira Iye, chifukwa chiyani? Kutu tikawone zizindikiro Zake zazikulu za Kudza Kwake.

¹⁷² Tsopano, kumbukirani, Baibulo linalonjeza, kutu, mmasiku otsiriza ano, basi potsekera pa nthawi, padzakhala Kuwala kwina kwa Chikhristu kudzatulukire. “Mvula ya nyundo ndi ya masika idzabwera,” palimodzi. Mneneri anati, “Kudzakhala Kuwala mu nthawi ya kumadzulo. Lidzakhalapo tsiku limene silimadzatchedwa masana kapena usiku.”

¹⁷³ Kodi ndi tsiku la mtundu wanji limenelo? Lokhala ngati tsiku la mvula, la chifunga, la chimbuzzi. Kungoti dzuwa likuwala, ndithudi, patali pamwamba pa chifunga ndi mitambo pali dzuwa limene likuwala. Ndipo kudutsa zimenezo, chifunga chonsecho, komabe kuwala kukuwonekera, koteru inu mutha kumayenda, kumawona momwe mungayendere.

¹⁷⁴ Izi ndi zimene ife takhala tiri nazo kwa zaka ndi zaka, kwa zaka thuu sauzande. Mukuona? Ife takhala tikuyenda mwa chikhulupiriro, ndipo ife talingalirapo, “Chabwino, ziribwino. U-nhu. Ife tikukhulupirira, ndipo ife tinajowina tchalitchi, ndipo tinalembetsa dzina lathu pa bukhu. Ndipo zimenezo ziri bwino. Ife tikukhulupirira. Ife sitimaziwona zinthu izi monga

mmene Iye ankaziwonera masiku a mmbuyo awo, kumbuyo uko." Iwo amati, "Zonse zimene zinapita. Izo zimabwerera." Ndipo zakhala ziri mwanjira imeneyo kwa—kwa mazana ndi mazana ndi mazana a zaka, zangokhala tsiku lachimbuuzi.

Koma Iye anati, "Mu nthawi ya kumadzulo, kudzakhala Kuwala."

¹⁷⁵ Tsopano, duwa lomwelo limene likukatuluka Kum'mawa ndi duwa lomwelo limene likukalowa Kumadzulo. Yesu yemweyo amene anali... anatsanulira Mzimu Wake Kummawa, pa anthu amenewo, ndi Yesu yemweyo amene ali mmasiku otsiriza ano, akutsanulira Mzimu Wake. Ziri pa anthu Akumadzulo. Iye analonjeza zimenezo.

¹⁷⁶ Iye anapanga lonjezo. Iye anati, "Monga izo zinaliri mu masiku a Loti, chomwecho izo zidzakhalanso pakudza kwa Mwana wa munthu."

¹⁷⁷ Momwe Mulungu anadziwonetsera Yekha mu thupi la munthu, anadzakhala pamenepo ndipo anadya ndi Abrahamu, nsana Wake ataulozetsa ku hema, ndipo anamuza Sarah zimene iye anali kuganiza, mu hema. Anamuza Abrahamu dzina lake, ndi Sarah dzina lake, ndipo momwe Iye ati adzawachezere iwo. Ndipo Sarah sanakhulupirire zimenezo, ndipo anaseka, mu hema. Ndipo Mngelo anati, "Chifukwa chiyani Sarah waseka?" Mu hema, kumbuyo kwa Mwamunayo.

¹⁷⁸ Yesu anati, "Monga m'mene zinaliri mu tsiku limenelo, chomwechonso zidzatero pakudza kwa Mwana wa munthu."

¹⁷⁹ Monga m'mene ndakhala ndikunenera kawirikawiri, ndinanena usiku wathawu, ine ndikufuna kuti ndiwerengenso mobwerezza izo kachiwiri. Nthawizonse pamakhala mitundu itatu ya anthu, nthawi zonse, monga anthu a Hamu, Semu, ndi Yafeti, ana aamuna atatu a Nowa. Njira yonse mpaka mmusi, pamakhala—pamakhala mitundu itatu ya anthu. Tsopano ife timawaika iwo m'magulu monga chonchi: wosakhulupirira, wodzipangitsa kukhulupirira, ndi wokhulupirira. Tsopano umo ndi momwe zimagwiranira. Izo zinachita chinthu chomwecho kumeneko. Yesu anati, "Monga m'mene zinaliri m'masiku a Sodomu, zidzateronso kuno."

¹⁸⁰ Abrahamu, amene anali atasiya zonse, kuti akatsatire, tsopano ndi izi apa, mpaka mmusi. Iye anagwiritsa lonjezolo limenelo kwa zaka ndi zaka, zaka twenty-faifi. Ndi uyu apa, usinkhu wa zaka handiredi tsopano. Ndipo iye ali apa mmunda. Ziwo zake zikuwonda, ndipo alibe madzi. Ndipo, Loti, akukhala moyo wofewa kumusi uko wokhala ndi zinthu zonse zimene iye amazifuna. Ndipo kuno kunali Sarah, anali nthawiina mkazi wokongola kwambiri mu dzikolo, ndipo, apa iye ali tsopano, akukhala ngati womanidwa.

¹⁸¹ Ndipo mwinamwake Akazi a Loti anali ndi makonzedwe atsopano awa a tsitsi a phanke, inu mukudziwa, ndi zinthu zonse

izi. Iye ankangokhala moyo wosangalala basi kumeneko. Iye anali mkazi wa ameya, ndipo iye anali wa mpingo umene unali mpingo waukulu. Inde, bwana. Ndipo mosakaika iye anali mu mabungwe ake onse. Iye sankafuna konse kuzikhala moyo izo, kuzisiya izo, mpakana iye anakhala akupotolokerabe mmbuyo. Ndipo iye anasanduka chulu cha mchere chifukwa iye anali atalikonda dzikolo kuposa momwe amakondera kumvera liwu la Mngelo lija.

¹⁸² Tsopano zindikirani magulu atatuwo. Osakhulupirira, achi Sodomu, a theka chabe, mamembala a mpingo ofunda, anali Loti. Koma mpingo wosankhidwa, wotulutsidwa atuluke anali Abrahamu ndi gulu lake. Pamene, Angelo awa, kodi Iwo anafikira kuti? Kwa Abrahamu ndi gulu lake. Kulondola. Iwo anatsikira kumeneko, awiri a iwo anatsikira kumeneko, monga alaliki amakono.

¹⁸³ Ife tiri nawo alaliki akuluakulu amene—amene akupita ku mpingo wa chipembedzo lero. M'modzi wa amuna aakulu amene alipo mdzikoli, amene ife tikuwadziwa, ndi Billy Graham. Ndipo iye ndithudi akulindima Uthenga kwa anthu awo uko, akuwaitanira iwo kuti atuluke, "Tulukani mu Sodomu."

¹⁸⁴ Ife sitikusowa kuti tizifuula "Tulukani mu Sodomu," kwa Mpingo uwu. Iwo uyenera kukhala utatuluka, kale. Ngati iwo unaitanidwa ndi Mzimu Woyeria, iwo unachoka kale ku Sodomu, kale kale. Uko nkulondola. Iwo unasiya Sodomu. Iwo ukukhala kunja kuno, pa Wokha, ndendende, unadzipatula. Mawu kumene akuti *mpingo* amatanthauza "oitanidwa-atuluke, odzipatula." Ndipo ngati inu mwadzipatula, yanu . . .

¹⁸⁵ "Tulukani pakati pawo. Musakhudze zinthu zaho zodetsedwa." Ngati inu simunachite zimenezo, inu muli uko mu Sodomu; ndinu membala wa mpingo, wofunda. Ndiye inu muyenera mudzipatule nokha, ndipo muchokeko ku zinthu za mdziko, ndipo mutuluke, ndi kukakhala moyo wosadzidetsa ndi woyeria, kumayenda mu malamulo a Mulungu.

¹⁸⁶ Kumbukirani, awiri a Angelo amenewo anapita kumeneko. Iwo sanakachiteko zozizwitsa zambiri. Panali chozizwitsa chimodzi chokha chimene iwo anakachita, chinali kuwakantha anthu ndi khungu pamene iwo amabwera kwa iwo.

¹⁸⁷ Chabwino, ichi ndi chimene ndendende kulalikira kwa Mawu kumachita, kumawakantha anthu ndi khungu. Ndipo azilaliki otchuka awa lero, amene ife tikuwadziwa, ambiri a iwo amadzacheza kuno ku Phoenix. Ndipo—ndipo azilaliki otchuka ochokera ku . . . amene apita mmunda, samachita zozizwitsa ndi zina zotero, koma mwamtheradi iwo akuwapangitsa khungu osakhulupirira amenewo, a chi Sodomu awo, ndi kulalikira kwa Mawu, kumati, "Yesu Khristu ali Mwana wa Mulungu."

¹⁸⁸ Koma, ndiye, apa pali Mpingo wauzimu; osati mpingo wachithupitupi, kapena wa chi Sodomu. Koma

Mpingo wauzimu, umene umakhulupirira mwa Mulungu, unadzachezeredwa ndi Mulungu, monga anachitira Abrahamu, njira yonse mpaka mmusi. Abrahamu ali choimira changwiro cha Mbewu ya Abrahamu pambuyo pa iye, mu Mpingo, "Anthu ochokera kwa Amitundu, chifukwa cha Dzina Lake," Mbewu yachifumu, monga ine ndinalalikira Lamlungu. Mukuona? Tsopano, Mpingo uwu, Iwo unaitanidwa-utuluke, unapatulidwa, unasiya chirichonse cha dziko lapansi, unatuluka, kuti ukayende ndi Mzimu Woyeru, monga anachitira Abrahamu.

¹⁸⁹ Ife taona mitundu yonse ya zinthu, monga anachitira Abrahamu, zikubwera. Koma chizindikiro chomaliza chija chinali chiyani chimene iye anachiwona ulendo usanathe? Chizindikiro chotsiriza chinali chiyani mwana woyembekezeredwayo asanabwere powonekera? Abrahamu anali akuyembekezera mwana. Kulondola uko? [Osonkhana akuti, "Ameni."—Mkonzi.] Kodi ndife Mbewu ya Abrahamu? ["Ameni."] Ndiye ife tikuyembekezera Mwana, Mwana wolonjezedwa, Mwana wa Mulungu.

¹⁹⁰ Ndipo Abrahamu anawona ntchito zachinsinsi za Mulungu pamene Iye anamuitana iye, mu Kuwala kochepa kuja nthawi imeneyo, ndi nsembe, ndipo anatsimikizira phanganolo kwa iye. Ndipo nthawi zambiri Iye anakumana naye mu njira zambiri zosiyanasiyana. Koma chizindikiro chotsiriza chimene Iye anamusonyeza Abrahamu, chinali pamene Iye anabwera, akuwonetseredwa mu thupi, ndipo anadzakhala ali ndi nsana Wake atawulozetsa ku hema, ndipo anamuuzu Sarah.

¹⁹¹ Abrahamu mosakaika anakhulupirira kuti uyo anali Mulungu. Anthu ena samakhulupirira kuti anali ameneyo. Koma, kuti, Baibulo linanena kuti anali Mulungu. Abrahamu ananena kuti anali Ameneyo. Iye anamutchi Iye, "Elohimu." Elohimu ndiye Mlengi wamkulu wa miyamba ndi dziko lapansi.

¹⁹² Tsopano, Iye anadzipangira Yekha, thupi, kuti chikakhale chizindikiro, cha mmasiku omaliza. Mukuona a Chisodomu, osakhulupirira? Mukuona membala wa mpingo? Tsopano muwone Osankhidwa, oitanidwa-atuluke. Ndipo mwa Osankhidwa awa, Iye akudziwonetsa Yekha mu mphamvu ya Mzimu Woyeru, mu thupi la munthu. Ameni. Kodi inu simukuwona kuti ndi Mesiya? Mulungu, Khristu, akumiriridwa mu Mpingo Wake; Mpingo ukuchita Moyo womwewo, ukukhala moyo womwewo, ukuchita zizindikiro zomwezo. "Iye amene akhulupirira pa Ine, ntchito zimene ine ndikuchita iye azidzazichita nayenso."

¹⁹³ Ngati mzimu wa-wa chigawenga utakhala mwa ine, ine ndikanakhala ndi mifuti pa ine. Ngati mzimu wa wojambula utakhala mwa ine, ine ndikanakhoza kujambula chithunzi cha wojambula, ndipo ndikanatha kumachita. Ngati mzimu wa

makaniko utakhala pa ine, ine ndingathe kukuuzani inu chimene chiri vuto ndi galimoto yanu. Mukuona?

¹⁹⁴ Ndipo ngati Mzimu wa Yesu Khristu utakhala mwa ine, ine ndingachite ntchito za Khristu, chifukwa ndi Moyo wa Khristu mwa inu. Mukuona? Kuwonetseredwa mwa Ndani? Kuwonetsera Ndani? Iye akhale... Anasiya Umwana Wake, ndipo anadzakhala tchimo, ndipo anadzatenga machimo athu, kuti Iye adzakhoze kutenga ochimwa ndi kuwapanga iwo kukhala ana. Iye anadzakhala ine, kuti ine ndidzakhoze kukhala Iye. Iye anadzakhala wochimwa, kuti ine ndidzakhoze kukhala mwana wa Mulungu. Iye... O, ichi—ichi ndi chokhudza, chimene Iye anachita. Mukuona? Iye anadzatenga malo anu, kuti inu mudzakhoze kutenga malo Ake. “Ndinu olandira cholowa limodzi ndi Iye; mu Ufumu.” Iye anakhala wochimwa, monga inu, machimo anu anaikidwa pa Iye; kuti Iye akhoze kukutengani inu ndi kukupangani inu mbadwa limodzi ya Kumwamba, ndi kukuikani inu palimodzi ndi Iye mu Ufumu wa Mulungu. Ndi zimenezotu: anaika Mzimu Wake mwa inu. Ndipo ngati Mzimu Wake uli mwa inu, ntchito zimene Iye ankachita inunso muzidzazichita.

¹⁹⁵ Tsopano, taonani zimene Iye anachita pamene Iye anali kuno pa dziko lapansi. Kodi Iye anadziwonetsera Yekha chotani?

¹⁹⁶ Inu simungathe kumangoyendayenda, wosowa chochita, ndi kumapita kukasewera mipira ya patebulo, ndi kumajomba ku tchalitchi, ndi kumakhala kunyumba Lachitatu usiku, kuti mukawonere sewero lina lonyansa pa televizioni, kapena chinachake monga chimenecho, ndi kusiya tchalitchi chanu, ndi zonse monga choncho, ndipo nkumayembekezera kuti mumuwona Khristu. Inu muyenera kusiya zinthu zimenezo, kuti mutsatire Mzimu Woyeria.

¹⁹⁷ Muloleni Iye adziwonetsere Yekha ngati Mesiya, monga otsatira oyamba aja ankachitira. Iwo anamutsatira Iye, kuti akawone ngati Iye anali Mesiya. Kodi inu mukuganiza kuti chinachitika ndi chiyani pamene Andreya anakhala usiku wonse palimodzi ndi Iye usiku uja, iye ndi Filipo? Mmawa wotsatira, Filipo anatenga njira ina, ndipo Andreya anatenga ina.

¹⁹⁸ Andreya ananyamuka kumamutsatira m'bale wake. Ndipo mwamsanga pamene iye anamupeza Simoni, iye anati, “Bwera, udzawone. Ife tamupeza Mesiya uja.” Iye ankadziwa kuti Iye anali Mesiya. Bwanji? Iye ankadziwa chimene Mesiya akanadzakhala. Iye ankadziwa, Mwamalemba, chimene Mesiya akanadzakhala.

¹⁹⁹ Tsopano, zoona, Ayuda, mmasiku amenewo, iwo anali atazikonzeratu zonse izo, mipingo yaikulu iyo. “O, pamene Mesiya azidzabwera, padzakhala kumveka kwa lipenga mu mlengalenga, ndipo Mulungu adzatsegula chinachake, ndipo adzapangitsa makonde a Kumwamba kutsika pansi. Ndipo

padzakhala sawasha ya Mngelo iti idzalindime kudutsa pa dziko lapansi. Ndipo Mesiya adzabwera, atakwera mmakonde amenewo monga choncho, ali ndi Angelo ndi magulu, ndi zinthu monga choncho, akubwera kudzatsikira ku kachisi *yu*, adzalowa mmenemo. Iye adzakhala Mesiya. Iye adzakhala atatenga ndodo, ndipo azidzalamulira dziko lapansi.”

²⁰⁰ Taonani kusiyana kwake m'mene Iye anabwerera, koma Iye anabwera Mwamalemba. “Atakhala pa mwana wa bulu, anabwera, atakwera akulowa mu Yerusalem, wodzichepetsa ndi wofatsa.” Zonna zimenezo. Mukuona?

²⁰¹ Zimenezo mpaka zinamudzidzimutsa mneneri, Yohane. Iye anali atalalikira za Mesiya wokhala ndi zokupizira m'dzanja Lake, akuyeretsa mofatsa pa dwale Lake; ndipo pamene Iye anabwera, wofatsa ndi wodzichepetsa. Koma Yohane anadziwa kuti ameneyo anali Mesiya, chifukwa iye anawona Kuwala kuja pa Iye. Ndipo Iye anadziwa zimenezo. Iye anati, “Iye amene anandiuwa ine mu chipululu, ‘Pita, ukabatize ndi madzi,’ anati, ‘Pa Amene udzawone Mzimu ukutsikira nukhalapo, Iyeyo ndiye M'modzi amene azidzabatiza ndi Mzimu Woyeru ndi moto.’” Palibe wina aliyense anaziwona zimenezo. Yohane anaziwona izo. Lonjezolo linali kwa Yohane.

Palibe amene anaiwona nyenyezi imene amuna anzeru ankaitsatira.

²⁰² Ndipo ziri chomwechonso usikuuno. Inu mukhoza kukhala pano, akhungu pawiri, ndipo osaiwona nkomwe mphamvu ya Mulungu. Inu simungathe konse kuimvetsa iyo mpaka Mulungu atatsegula anu... “Onse amene Atate andipatsa Ine adzadza kwa Ine, ndipo palibe munthu angathe kudza pokhapokha Atate Wanga atamukoka iye.” Ndi zimenezotu. Ichochukhazikitsa izo.

²⁰³ Tsopano ife tikupeza kuti iwo anasiya zonsezoo, ndipo iwo anamutsatira Iye ndipo anawona kuti Iye anali Mesiya. Andreya anapita ndipo anakamuza Petro, anati, “Iwe ukudziwa zimene atate athu anatiuza ife?” Chinachake mwa dongosolo ili, mwinamwake. “Ife tikudziwa kuti pamene Mesiya adzabwera. Mose anatiuza ife kuti ‘Ambuye Mulungu wathu adzautsa Mneneri’ wonga iye. Ndipo ife tikudziwa zimenezo, ife tinaphunzitsidwa, ‘Ngati alipo mmodzi pakati pathu, amene ali wauzimu kapena mneneri, chimene iye wanena chikachitika, ndiye mumumvere iye. Ngati sichichitika, ndiye musamumvere iye.’ Ndipo ife tikudziwa kuti Mesiya adzakhala... osati kokha mneneri. Iye adzakhala Mulungu-Mneneri. Kotero Mwamuna *yu* ndi Munthu ameneyo.”

“Iwe wadziwa bwanji, Andreya?”

“Ingobwera, udzawone.”

²⁰⁴ Anayenda akupita kumeneko. Ndipo mwamsanga pamene iye anayenda pamaso pa Yesu, Yesu anati, “Dzina lako ndi

Simoni, ndipo ndiwe mwana wa Yona.” Iye anadziwa, nthawi yomweyo, ameneyo anali Mwana wa Mulungu.

²⁰⁵ Apa pakubwera Filipo, limodzi ndi Natanieli. Mwamsanga pamene Nataniele anayenda kupita kwa Iye, anadziwa . . .

²⁰⁶ Iwo mwina, anangoganizira, kukambirana kwakukulu kumene iwo anali nako, amalankhula za izo, pamene ankabwera. Ndipo m’mene Iye anamuuzira Petro zinthu izi, ndipo anampatsa iye dzina lina, ndipo anamuua iye chimene iye anali, ndi atate ake, zina zotero, za izo. “Inu mukudziwa Mesiya ayenera kudzakhala mneneri.”

²⁰⁷ Chabwino, apa iye akubwera ndiye, akuyenda kupita pamaso pa Yesu. Ndipo Yesu anati, “Taonani mu Israeli amene mwa iye mulibemo chinyengo.”

Iye anati, “Rabbi, Inu munandidziwa liti ine?”

²⁰⁸ Iye anati, “Filipo asanakuitane iwe, pamene iwe unali pansi pa mtengo, ine ndinakuwona iwe.”

²⁰⁹ Iye anati, “Rabbi, Ndinu Mwana wa Mulungu. Ndinu Mfumu ya Israeli.” Icho chinakhazikitsa izo, kwa iye.

²¹⁰ Mkazi, wamng’ono wachikulire womvetsa chisoni, wauve, wachidetso, wogona ndi amuna sikisi. Iye anali atakwatiwa ndi asanu, ndipo mmodzi amene iye amakhala naye nthawi imeneyo sanali wake. Anapita ku chitsime tsiku lina kuti akatunge madzi. Ndipo pamene iye anatsitsira mjigo, kapena ndowa mu dzenjelo, pansi, kuti atunge madzi, ndipo pamene iye amati anyamuke nayo, iye anawona Mwamuna wa usinkhu wa pakati atakhala pameneopo, Myuda. Anati, “Mkazi, undipatseko Ine akumwa.”

²¹¹ Iye anati, “Ife timasankhana. Palibe ayi—palibe . . . tiribe miyambo kuno yakuti Inu, pokhala Myuda, kuti mundipemphe ine, mkazi wa Chisamariya, chinthu ngati chimenecho. Ife sitimachitiranu zinthu.”

²¹² Iye anati, “Koma ngati iwe ukanaadziwa Amene ukankhula ndi iwe, iwe ukandanipempha Ine akumwa. Iwe ukandanipempha Ine madzi.” Iwo basi . . . Iwo anapitirira, kumalankhulana wina ndi mzake, kwa kanthawi. Kodi Iye anali akuchita chiyani? Amayesera kuti apeze pamene panali vuto lake.

Tsopano, “Yesu ankafunika kuti adzere ku Samaria.”

²¹³ Kumbukirani, Iye ankangozizindikiritsa Yekha kwa Myuda ndi Wamitundu . . . Awo ndi anthu a Hamu, Semu. Mukuona? Anthu a Yafeti anasiyidwa. Ife Azungu, ife tinali achikunja, tinkapembedza mafano m’masiku amenewo. Kumbukirani. Chifukwa chiyani Iye sanadziwonetsere Yekha, Yesu, pamene Iye anali pa dziko lapansi, kwa Amitundu, mwa chizindikiro chomwe chija, kuti awawonetse iwo? Chifukwa Amitundu sankayembekezera Mesiya.

²¹⁴ Ayuda ankamuyembekezera Mesiya, ndipo Asamariya ankamuyembekezera Mesiya.

²¹⁵ Ndipo Iye anadziwonetsera Yekha ngati Mesiya, pomuwuza Petro, kwa amene Iye anampatsa makiyi a Ufumu. Ndi kwa Nataniele. Ndi Bartumeyo wakhungu, pamene chikhulupiriro chake chinamuimtsa Iye. Ndi mkazi wa vuto la magazi. Ndi ena otete, kwa Ayuda.

²¹⁶ Koma apa Iye ali tsopano pamaso pa Asamariya, ndipo Iye akubwera kwa Asamariya, kuti akazidzindikiritse Yekha ngati Mesiya woona.

²¹⁷ Tsopano, kwa zaka mazana, onse Ayuda ndi Asamariya ankakhulupirira kuti kukubwera Mesiya. Kotero, ngati Mesiya anali pa dziko lapansi, zinali kwa Mesiyayo kuti adziwonetsere Yekha.

²¹⁸ Tayang'anani pa Simioni wokalamba mu kachisi, wokhala ndi umboni, kuti, "Ine sindidzawona imfa mpaka ine nditamuwona Khristu wa Ambuye." Ndipo mphindi yomweyo imene Mariya analowa naye Mwanayo, Mzimu Woyera unalankhula kwa Simioni. Iye anapita kumene Iye anali, monga *choncho*, ndipo anakwezera m'mwamba manja ake, ndipo anati, "Mulole wantchito Wanu amuke mu mtendere monga mwa Mawu Anu, pakuti maso anga akuwona Chipulumutso Chanu." Simioni sakanatha kukhala moyo wautali mokwanira kuti amuwone Iye akuchita zintchito za Umesiya Wake, koma iye anali nazo zolembedwa kuti Iye anali yemweyo.

²¹⁹ Koma Iye anazidziwitsa Yekha kwa anthu, ngati Mesiya, kuti anali Mulungu-Mneneri uja. Mkazi uja, pamene Iye analankhula ndi iye, anati, "Pita, ukamutenge mwamuna wako ndipo ubwere kuno."

Iye anati, "Ine ndilibe mwamuna aliyense."

²²⁰ Anati, "Iwe wanena zonna. Iwe wakhhalapo nawo asanu, ndipo amene iwe ukukhala naye tsopano si mwamuna wako."

²²¹ Iye anati, "Bwana, ine ndazindikira kuti Inu ndi mneneri. Ife tikudziwa, pamene Mesiya adzabwera, Iye adzatiuza ife zinthu izi. Ichi chidzakhala chizindikiro cha Mesiya pamene Iye adzabwera. Iye adzakhala Yemwe ati adzatiuze ife zinthu izi."

Ndipo Yesu anati, "Ine ndine Iye amene akulankhula ndi iwe."

²²² Mwamsanga iye anasiya mtsuko wa madzi uja ndipo anathamangira mu mzinda, ndipo anakawauza anthu mu mzindawo, "Bwerani, mudzamuwone Mwamuna Amene wandiuza ine zimene ndinachita. Kodi uyu si Mesiya kumene? Kodi icho si chizindikiro chimene Mesiya anati adzatiwonetsa ife?"

²²³ Iye sanachitenso konse icho kamodzi kena, pamaso pa aliyense wa iwo, koma iwo anati anthu a mumzinda umenewo

anamukhulupirira Iye chifukwa cha umboni wa mkaziyo woti Iye anali Mesiya. Ameni.

²²⁴ Tsopano ino ndi nthawi ya Amitundu. Ife takhalapo nazo zaka zikwi ziwiri za zosokonezeka, zokwera-ndi-zotsika, mabungwe, zolowa-ndi-zotuluka, ndi mikangano ndi zonenana, ndi kutsutsana ndi ndewu, ndi zina zirizonse, ophunzira zaumulungu ndi maseminare, ndi zinanso.

²²⁵ Tsopano, ngati Iye anawalola Asamariya awo ndi Ayuda kuti abwere kumeneko, amene anali atasiya milungu ya dziko lapansi, kuti akatumikire Mulungu, ndipo nkumamuyembekezera Mesiya wakudzayo; ndipo Mesiya anadzipangitsa Yekha kudziwika kwa Ayuda mwanjira imeneyo, mu tsiku limenelo. Ndipo Iye sangathe kuphwanya malamulo Ake. Iye si Bambo amene angachite chimodzi kwa wina, ndi china kwa winanso, chinthu chosiyana. Iye ali Yesu yemweyo. Zoonia.

²²⁶ Tsopano, apa, ife takhalapo nazo zaka thuu sauzande. Mzimu Woyeru unagwa pa ife. Ife tinalankhula m'malirime, ndipo tinawona zizindikiro ndi zodabwitsa, ndi zina zotero. Tsopano, chizindikiro chomaliza chimene Abrahamu anachiwona, mwana wolonjezedwayo asanabwerere, chinali Mulungu akudziwonetsera Yekha mu thupi limene limatha kudya, poneneratu ndi kuonetsera chizindikiro chomwecho chimene Yesu anachiwonetsa pamene Iye anali kuno, kuti ndiye Mesiya. Tsopano, Yesu ananenera ndipo anati zikanadzakhala mwanjira yomweyo. Ndipo, abwenzi, tsopano ora lafika.

²²⁷ Ayuda amenewo ataima pamene, pamene iwo anamuwona Yesu akunena zimenezo kwa mwamuna uyo, iwo anati... Iwo amayenera kuti akayankhe kwa osonkhana awo. Iwo, iwo ankadziwa kuti ichi chinali chitachitika, koteri iwo sakanatha kuchita kanthu pa icho. Iwo ankayenera kuti akayankhe kwa osonkhana awo, koteri iwo anati, "Munthu Uyu ndi Belezebule. Iye..." Iwo amaganiza zimenezo mu mtima mwawo. "Munthu Uyu ndi Belezebule, mukuona, chifukwa chakuti Iye ndi wambwebwe, mtundu wina wa—kuwerenga maganizo, kapena chinachake. Iye ndi Belezebule."

²²⁸ Yesu anazindikira maganizo awo. Ndipo Iye anapotolokera kwa iwo, ndipo Iye anati, "Inu mukulankhula zimenezo motsutsa Ine, Mwana wa munthu, Ine ndikukhululukirani inu. Koma, mudziwe kuti, tsiku lina Mzimu Woyeru udzabwera, kudzachita chinthu chomwecho. Ndipo mukadzalankhula motsutsana ndi Iwo, sipadzakhala konse chikhululukiro mu dziko lino kapena mu dziko liri nkudza."

²²⁹ O, m'bale, ndine wokondwa kwambiri usikuuno kukhala ndi mdalitso wa chipentekosite. Ameni. Sindikukaikira kuti pano, abale, inu mwakhala pano ochokera ku church of God, Foursquare, Assemblies of God, ndi yonse yosiyanasiyana.

Izi ndi zopambana. Chimenecho, muzingopitirirabe mtsogolo. Musamati... Muzingokhala limodzi ndi chimenecho. Mukuona? Koma musamalingalire konse kuti bulangeti lisamfikire m'bale wanu winayo, nayenso, ali mu bungwe linalo amene (chimodzimodzi basi) ali nawo Mzimu Woyerwa wochuluka. "Mulungu anapereka Mzimu Woyerwa kwa iwo amene amamumvera Iye." Kotero m'bale winayo amatero, nayenso, inu mukuona, kotero inu muzingolitambasulira ilo kumeneko. Izo ndi zabwino. Ndipo tiyeni tizibwera palimodzi ndi kumasangalala.

²³⁰ Ife talisiya dziko lapansi. Ife ndi Mbewu ya Abrahamu. Ife ndi Mbewu ya Khristu, Mbewu yolonjezedwa. Ndipo ndi ife pano, mpaka mmusi. Ndipo kodi chinthu chomaliza chinali chiyani tsopano, chimene Iye anamupatsa atate wathu Abrahamu? Chizindikiro chija, Sodomu asanati, asanawotchedwe, ndi kubwera kwa mwana. Tsopano, basi kudza kwa Mwana wolonjezedwa kusanabwere, ndi kuwotchedwa kwa Sodomu, Mulungu analonjeza kudzera mwa Yesu Khristu kuti izi zikanadzakhala ndendende, "Monga zinaliri m'masiku a Sodomu."

²³¹ Taonani mu dziko lero. Mbiriyakale ya dziko lapansi siinawone konse zopotoka zochuluka monga m'mene ife tiliri nazo lero. Ndipo makalata anga adzadza ndi amayi, akulira, kuchokera komwe kuno mu California. Tikamawerenga nyuzipepala, chivundi chimenecho, bwanji, zinasintha mu California, ine ndikuganiza, sate pa zana, kuyambira chaka chammbuyomu. Chivundi, chiri paliponse, nyansi. Masukulu, sukulu zachipembedzo, amachita kuwathamangitsa anthu ku masukulu awo, amavutika kuti asankhe. Kupotoza, "kusintha njira yachibadwidwe," chimodzimodzi monga zinaliri ku Sodomu, ife tikuziwona izo mwanjira imeneyo.

²³² Tayang'anani pa Billy Graham, mtumiki wochokera kwa Mulungu, ali kumeneko, akusesa Uthenga umenewo.

²³³ Tsopano, nanga bwanji Mpingo, Wosankhidwa? Iwo uyenera kukhala ndi chizindikiro, nawonso. Si kulondola kumeneko? [Osonkhana akuti, "Ameni."—Mkonzi.] Iwo uyenera kukhala nacho icho. Ine ndikudalira kuti usikuuno ife tisiya kusakhulupirira kwathu konse, ndipo tikhulupirira pa Ambuye Yesu, ndi kumutsatira Iye, ndi kuwona zizindikiro Zake za tsiku lotsiriza, pakuti Iye analonjeza kuti izo zikanadzakhala kuno.

Tiyeni tiweramitse mitu yathu.

²³⁴ Kodi alipo wina muno usikuuno amene sakumudziwa Iye ngati Mpulumutsi wanu, ndipo inu mukufuna kusiya chirichonse pakali pano ndi kumutsatira Iye? Mungangokweza dzanja lanu, ndikuti, "Mundipempherere ine, M'bale Branham. Ine ndikufuna kuti ndichite zimenezo, ndikhale Mkhristu weniweni." Mulungu akudalitseni inu. Kodi alipo wina?

Mulungu akudalitseni inu. Mulungu akudalitseni inu. Mulungu akudalitseni inu, mlongo. Mulungu akudalitseni inu, ndi inu, m'bale. Wina? Mulungu akudalitseni inu, bwana. "Ine ndikufuna kusiya chirichonse. Ine—ine ndichita zimenezo, M'bale Branham."

²³⁵ Ine ndikufuna kuti ndifunse chinachake. M'bale, mlongo, ine—ine sindikuti—ine sindikutanthauza kuti ndimupweteke aliyense. Koma, inu mukuona, inu—inu—inu... Inu muli ndi udindo kwa Mawu. "Ngati—ngati inu mukhala mwa Ine, ndi Mawu Anga mwa inu." Nthawizina ine ndimayenera kuti ndinene zinthu zimene zimandidula ine, makamaka nthawizina kwa alongo anga.

²³⁶ Chifukwa, inu mukuzindikira kuti mkazi ndi amene Satana anamugwiritsa ntchito pachiyambi. Mulungu anasankha mwamuna. Satana anasankha mkazi.

²³⁷ Iye anadalitsidwa, zonna, kuti adzakhale chowutamira chimene chinabweretsa Yesu Khristu pa dziko lapansi. Tsopano, Uyo sanali Mwana wake. Inu nonse mukudziwa zimenezo. Yesu palibe nthawi iliyonse anamutchulapo iye kuti amayi. Iye analibe konse... Ndife osonkhana osakanikirana, koma inu mumvetsera kwa ine. Panalibepo umuna umene unabwera kuchokera kwa Mariya. Zonse zinali zochita kulengedwa, mwa namwali, ndi Mulungu. "Mzimu Woyeru unamufungatira." Ndicho chifukwa chake Yesu sanathe kumutcha iye kuti amayi. Iye sanali gawo la iye, ayi. Iye anangokhala chowutamira chabe chimene Mulungu anachigwiritsa ntchito, kuti aberekerepo Mwanayo.

²³⁸ Chifukwa, ngati panali chinachake cha mkazi ameneyo chimene chinali gawo la Mnyamata uyo, Mwana ameneyo, mkazi ameneyo, (inu mukumvetsa; inu akuluakulu mukudziwa chimene ine ndikutanthauza,) payenera kukhala kuti panali mtundu wina wa kutenga pakati, mtundu wina wa umuna umene unabwera kuchokera kwa mkazi ameneyo, kudzera mzimenezo, ndiye kuti zinali mwamtheradi monga kugonana ndi Mulungu Wamphamvuzonse. Sizingatetheke kukhala zimenezo.

²³⁹ Mulungu analenga mwanayo, zonse dzira ndi Magazi. Zonse kakhungu, ka mkazi ndi ka mwamuna, Mulungu analenga. Ndicho chifukwa chake thupi limenelo linadzauksidwa. Ndithudi. Iye anali woyamba wa chiukitsiro. Kotero Iye sanamutchule konse iye kuti amayi. Iwo anati, "Amayi wako ali panja apo akukufunafuna Iwe."

²⁴⁰ Iye anati, "Amayi anga ndi ndani?" Anati, "Iwo amene amachita chifuniro cha Atate Anga, omwewo ndiwo amayi Anga." Mukuona? Kotero Iye panalibe nthawi imodzi pamene anamutchha iye amayi. Iye ankamutcha iye "mkazi." Ndicho chimene iye anali.

²⁴¹ Ndipo ena a inu anthu a Chikatolika okondedwa mumamupanga iye kukhala mulungu, kapena mulungu wamkazi, mfumukazi ya Kumwamba. Uko si kulondola. Ayi, sichoncho ayi. Iye anali mkazi wabwino. Inde, bwana. Ndendende. Koma iye sanali woposa mkazi wina aliyense amene Mulungu amasankha kuti amugwiritse ntchito. Iye akhoza kumugwiritsa ntchito mkazi pa chinthu chinachake. Iye akhoza kumugwiritsa ntchito iye, mwanjira iliyonse. Iye anangokhala chowutamira, chifukwa ndi chimene iye anali, kuti aisunge Mbewuyo mofunda, ndi zina zotero monga choncho. Ndipo Moyo unadzalowa mwa Khandalo. Koma Magazi, moyo wa magazi, ife nthawizonse timadziwa, umachokera kwa chachimuna. Ndipo Iye anali wamwamunayo, Mlengi. Iye sanali Myuda . . . Mwanayo anali . . .

²⁴² Yesu sanali Myuda kapena Wamitundu. Iye anali Mulungu. Uko nkulondola. Mulungu Mwiniwake analenga thupi limene. Iye anadzakhalamo. Ameneyo anali Mwana Wake, Yesu Khristu. Kubala kwa namwali, koyeru kuja kunabweretsa munthu uyu, kutenga mimba kwachiyero mwa Mzimu Woyera. Mkazi analibe chochita ndi ichi, panalibe dzira ngakhale khungu la magazi.

²⁴³ Mwamuna amakhala ndi khungu la magazi. Mkazi amakhala ndi dzira. Mwanjira iyi, pakadayenera kukhala mtundu wina wa kukhumbirana ndi kutenga mimba, kuti china chichitike.

²⁴⁴ Ndipo mwanjira imeneyo, panalibe kanthu koma kumufungatira kwa Mzimu Woyera, ndipo Mulungu analenga mwa mkaziyo. Ameneyo ndiye Mpulumutsi wanga. Popanda Iye, ife tonse tikanataika.

²⁴⁵ Tsopano, ena a anthu inu kuno, akazi anu, inu mukhoza kukhala akazi a Chipentekoste, mwakhala wolakwa povala zovala zopanda makhaliidwe, kudula tsitsi lanu, kumachita zinthu. Ine ndikuona kuno mu California, kulibe ambiri a iwo . . .

²⁴⁶ Kapena, kuno mu Arizona, kani, si ambiri a iwo amene azipentapenta. Icho chinamenyedwa mochitsutsa, nachonso. Chabwino, mulibemo kalikonse mu Baibulo konena kuti inu musamadzipentepente. Ife timangodziwa kuti ndi zolakwika, chifukwa ndi za mdziko lapansi.

²⁴⁷ Koma liripo lamulo mu Baibulo lakuti mkazi, wodula tsitsi lake, ndi munthu wosalemekezecka. Ndipo ngati zimawoneka mwanjira imeneyo kwa Mulungu, ndipo inu mukuti muli ndi Mzimu Woyera, ndipo nkumachita choncho, chinachake chalakwika.

²⁴⁸ “Kuvala chovala cha mwamuna.” O, mlongo, wokondedwa, musatengere za dziko lapansi. Lisiyen i dziko lapansi. Mugwiritsitse kwa Khristu.

Inu mukuti, “Kodi zimapanga kusiyana kotani?”

²⁴⁹ “Wodala ali iye amene amachita malamulo Ake onse, kuti akathe kukhala ndi ufulu wolowa mu Mtengo wa Moyo.” “Kulakwira kakang’ono ndiko kulakwira chonsecho.”

²⁵⁰ Inu mukudziwa bwinoko. Ngati inu muli ndi Mzimu Woyer, Iwo ndithudi uzikuuzani inu mwabwinoko. Iwo uzikuuzani inu mwabwinoko, ngati uli Mzimu Woyer.

²⁵¹ Tsopano, ngati inu muli wolakwa, ndipo mukufuna kuyamba usikuuno, ndipo mukuti, “M’bale Branham, ine sindimadziwa zimenezo. Ine ndakhala ndikungodziyendera. Ine ndikufuna kuti ndiyambe mwatsopano. Kuyambira pano mpakana, ine ndizimutumikira Mulungu.” Kwezani dzanja lanu, ndikuti, “Mundipempherere ine, M’bale Branham.” Mulungu akudalitseni inu. Izo zimatengera kulimba mtima. Icho chatenga kwenikweni... Mulungu akudalitseni inu. Manja ambiri. Chabwino. Mulungu akudalitseni inu. Ndiye, ngati inu mukudziwa, kuti Chinachake mwa inu, chikukuuzani inu kuti ndinu wolakwa, ndiye inu mukudziwa kuti Mulungu ali pafupi ndi inu.

²⁵² Koma pamene inu mutamva Mawu momveka chotere, ndiyeno inu mwangokhala pameneapo ndikuti, “ine sindichita zimenezo. Iye sakudziwa zimene iye akulankhula,” ndipo ine ndakhala ndikuwerenga mobwerezza Mawu pomwe pano, mukuona, ndiye kuti pali chinachake cholakwika ndi chimene chiri mwa inucho. Mukuona? Si china koma chinthu chimodzi, ndi Satana. Basi chokhacho. Icho chikutsutsana ndi Mulungu. Icho chikutsutsana ndi malamulo Ake. Icho chikutsutsana ndi Mawu Ake.

²⁵³ Wina ananena kwa ine, osati kale litali, mlaliki wotchuka. Iye anati, “M’bale Branham.” Anandiitanira ine kuchipinda chake, anadzaika manja pa ine. Anati, “Inu muwononga utumiki wanu.”

Ine ndinati, “Chiyani?”

²⁵⁴ Anati, “Inu nthawizonse mumakhala mukuwazazira anthu, chifukwa cha momwe iwo akuchitira.” Anati, “Bwanji inu... anthu amaganiza kuti inu ndinu mneneri.”

Ine ndinati, “Ine sindine mneneri.”

²⁵⁵ Iye anati, “Chabwino, anthu amaganiza kuti inu muli. Bwanji inu simumawaphunzitsa iwo zinthu zauzimu, momwe iwo angathe kulandirira madalitso auzimu aakulu ndi zinthu?”

²⁵⁶ Ine ndinati, “Ine ndingathe bwanji kuwaphunzitsa iwo zinthu zauzimu pamene iwo sakudziwa nkomwe ma ABC awo? Iwo alibe ngakhale ulemu wa wamba wogonjera ku Mawu, ndiye munene zinthu zauzimu. Ngati iwo sakukhulupirira zinthu za padziko lapansi, iwo angakhulupirire bwanji zinthu zakumwamba?”

Iye anati, “Chabwino, inu muwononga basi utumiki wanu.”

²⁵⁷ Ine ndinati, “Utumuki uliwonse umene Mawu a Mulungu angawuwononge, iwo uyenera kuti uwonongedwe.” Bwererani ku Mawu. Uko nkulondola.

²⁵⁸ Tsopano, ngati inu mukusuta ndudu, ndi zina zotero monga choncho, ndipo nkumadzinenera kuti inu muli ndi Mzimu Woyer, manyazi pa inu. Inu azibambo! Inu mukuti, “Chifukwa chiyani inu mukulimbana ndi akazi?” Inu azibambo amene mumawalola akazi anu kuti azichita zimenezo, o, bambo, mukumadzitcha nokha Mkhristu, manyazi pa inu.

²⁵⁹ Ine ndikudziwa kuti izi ndi zokaka. Koma, m’bale, ino—ino ndi nthawi yosadza. Ino ndi nthawi yoti Mzimu Woyer ubwere, kudzatenga Mkwatibwi Wake. Ndipo ngati sizikugwirizana ndi Mawu Ake, ndiye kuti pali chinachake chalakwika.

²⁶⁰ Inu amene mwagwa, kumakhala kunyumba Lachitatu usiku ndipo osamabwera kuno ku tchalitchi, kumawonera televizioni, ndi mausiku ena a tchalitchi! Talingalirani, inu—inu mukunenetsadi, ndipo ngati inu mungabwere ku tchalitchi, inu mumachita kuzikakamiza nokha kuti muchite zimenezo, chifukwa inu mumaganiza kuti ndi lamulo kuti inu muchite zimenezo. Inu tuyenera kumachita zimenezo. Ichi ndi cholemekeze ka kuti muzichita zimenezo. Ndipo ngati inu simumakonda kumachita zimenezo, pamene po pali chinachake cholakwika. Ulipo Mzimu Woyer umene umakupangitsani inu kuti muzikonda kutumikira Mulungu.

²⁶¹ Tsopano, ndi chimenecho, pamene mitu yanu ili chiweramire, onse amene akumverera kuti iwo akufuna kuyamba ndi Mulungu, usikuuno, mukweze mmwamba dzanja lanu. Basi aliyense muno tsopano, ingokwezani mmwamba dzanja lanu, aliyense, paliponsepo. Mulungu akudalitseni inu, akudalitseni inu, inu, inu, inu. Mulungu akudalitseni inu. Chabwino. Ine ndikupemphererani inu.

²⁶² Atate Akumwamba, tsopano ine ndalankhula Mawu Anu mosabisa ndi momveka, ndi modula, monga mmene ine ndimadziwira. Osati kuti ndikhale wosiyana; ngati icho chitakhala cholinga changa, Ambuye, ine ndiyenera kukhala ine woti ndikakhale pa guwa. Koma ngati ine ndikumuwona winawake, m’bale wanga kapena mlongo, akumira m’bwato lobooka lachikale, ndipo ine osawafuilira iwo, kapena kuwadzudzula iwo, kapena mwanjira iliyonse kuti ndi watulutsemo iwo mu chikhaldwe chimenecho, ndiye kuti ine sindikuwakonda iwo. Ine ndikuyesera kuti ndi watulutsemo iwo, Ambuye, kuti iwo athe kukhala otetezeka.

²⁶³ O Mulungu Wakumwamba, ine ndikupempherera aliyense amene anakweza mmwamba manja awo. Ine ndinawona ambiri a akazi awo odula tsitsi achichepere akukweza mmwamba manja awo, ndi chisomo chokwanira pa iwo mpakana kuti iwo akudziwa kuti iwo ndi olakwa. Apo panali ambiri amene

sanatero. Tsopano, Ndinu Woweruza wa zimenezo. Koma ine ndikupemphera, Mulungu, kuti Inu mudzawapulumutse iwo. Perekani izi. Kwa...

²⁶⁴ Amuna awo anakweza mmwamba manja awo, amuna abwino achichepere amphamu akhala ndi azikazi awo, ndi zina zotero, anakweza mmwamba manja awo. Anthu achikulire anakweza mmwamba manja awo. Tsopano, Atate, ife tiyenera kulisiya dziko lapansi ndi zinthu za dziko lapansi, kapena ife sitingathe kukutumikirani Inu.

²⁶⁵ Ine ndikupemphera kuti Inu mudziwonetsere Nokha usikuuno mwanjira yakuti anthu awone chimenecho, Mawu amene alankhulidwa. Anthu akhoza kulankhula chirichonse. Koma pamene Mulungu apotoloka ndi kudzawatsimikizira Mawu Ake, kudzatsimikizira kuti awa ndi Mawu Ake, ndiyepo pamene ife timakhala opanda chowiringula chirichonse. Ine ndikupemphera, Atate, kuti Inu mupereke ichi usikuuno. Ndipo mwamsanga pamene anthu awa...

²⁶⁶ Mwinamwake ambiri a iwo ndi ochimwa. Angapo anakwezera mmwamba manja awo, ngati ochimwa. Ndipo ine ndikupemphera, Atate, mwamsanga iwo akawona kuwonetedredwa...Ndipo ndikudalira kuti Inu muchita zimenezo usikuuno, mudziwonetsera Nokha, kuti chitsiriziro chafika. Mwana woyembekezeredwayo ali pafupi kuti azibwera kwa Mbewu ya Abrahamu, ndipo Sodomu ameneyo wafika poti awotchedwe.

²⁶⁷ Tsikulina sipadzakhala mwala umodzi uti udzasiyidwe pamwamba pa umzake, waku Phoenix. Chigwachi chidzasesedwapo. Mu mzinda uno usikuuno m'mene muli chigololo, kumwa zoledzeretsa, amayi osuta ndudu, ana aakazi, akuvina, kumazipotokola, otengeka, amuna okhala moyo wa chiwerewere, tchimo la mzinda uno! O Mulungu, koma ine ndikayang'ana pansi kudutsa zimenezo, ndi kulingalira, "Ndi cha ntchito yanji ngakhale kuti ndiziyesera?"

²⁶⁸ Koma ndiyepo ine ndikayang'ana m'menemo ndikuona Kuwala kwapang'ono *apa* ndi *apo*, Mkhristu wodzipereka, akupemphera. "Onse amene akubuula ndi kulira chifukwa cha zonyansa zimene ziri pakati pa mzindawo, Mengelo amatumidwa kuti akaike Chizindikiro pa iwo, kukawalemba chizindikiro iwo, ndipo iwo amakhala amene anali oti sakawonongedwa." Ine ndikupemphera, Atate, apa akakhalepo ambiri amene ati akakhale Akhristu odzipereka, mwana wolankhulidwayo, wosaopa kufuulira pa anthu awa. Mulungu, mu tsiku ili, tiyeni tilankhule zinthu zimene zili zolondola.

²⁶⁹ Ndipo padzakhala Tsiku Lachiweruzo likubwera, ndiyeno iwo adzakhala opanda chowilingula, chifukwa Uthenga uwu usikuuno udzawonet sedwa pa kanema, madenga a mlengalenga, ndipo ife tonse tidzakayankha. Kotero ine ndikupemphera,

Atate, kuti Inu muidule mitima yawo ku zinthu zirizonse za dziko lapansi, kuti iwo akakhoze kukhala moyo wa umulungu mu dziko lino. Ife tikupempha izi mu Dzina la Yesu. Ameni.

²⁷⁰ Ndikupepesa kwambiri kuti ndakusungani inu. Ife... Ine—ine ndachedwa kwenikweni. Ndipo ine—ine sindi... Ine ndimayenera kukhala nditataluka. Wathawu...Usiku uliwonse, ine ndimatuluka ikamakwana, teni koloko, tikachedwa. Ine ndimafuna kutuluka usikuuno nthawi ya hafu naini. Ine ndalephera kuchita zimenezo.

Tsopano, miniti chabe, kuti ndiike—chisindikizo kwa zimene ine ndalankhulazi.

²⁷¹ Tsopano, kwenikweni, ine sindine mlaliki. Aliyense akudziwa zimenezo. Ine ndilibe maphunziro, ndipo ndimagwiritsa ntchito mawu anga akale achi Kentucky akuti “ake,” “alibe,” ndi “katenge,” ndi “bweretsa,” ndi “kanyamule,” ndi “iwowo.” Ndipo inu mukudziwa ine sindine mlaliki monga choncho. Ine ndilibe maphunziro kuti ndizitero.

²⁷² Koma ine ndine Mkhristu. Ambuye Yesu anandipulumutsa ine ku tchimo. Ine ndikudziwa zimenezo. Ndipo Iye anandipatsa ine Mawu ena kuti atsimikizire zochepa zomwe ine ndikuzidziwa. Chinthu chokhacho, ine sindimayesera kuika kutanthauzira kwanga kwa mseri. Ine ndimangowerenga Iwo. Ndipo chirichonse chimene Iwo akunena, ine ndimanena chinthu chomwecho. Mukuona? Ndi zokhazo zimene ine ndimazidziwa. Mukuona? Tsopano, ngati izo zatanthauziridwa molakwika, ine sindikudziwa. Ine ndikungonena izo momwe izo zatanthauzidwira *apa*. Mukuona? Ndipo Iye nthawizonse amakhala kumbuyo kwa izo, ndipo amaziikira kumbuyo izo.

²⁷³ Ine ndikukhulupirira kuti Yesu Khristu akubwera posachedwapa. Ine ndikukhulupirira kuti Iye ali Yesu yemweyo, dzulo, lero, ndi kwanthawizonse. Ine ndikukhulupirira kuti Iye ananena kuti, “Kanthawi pang’ono, ndipo dziko lapansi,” kosmosi, dongosolo la mdziko, “silidzatiwonanso ife...silidzandiwonanso Ine. Komabe, inu mudzandiwonanso Ine, inu, Mpingo, pakuti Ine,” puronauni ya umwini, “Ine ndidzakhala ndi inu, ngakhale mwa inu, kufikira kumalekezero a dziko lapansi. Ntchito zimene ine ndikuzichita inunso muzidzazichita.” Inu mukukhulupirira zimenezo? [Osonkhana akuti, “Ameni.”—Mkonzi.] Ife tinapeza ntchito zimene Iye ankachita, m’mene Iye amadziwonetsera Yekha.

²⁷⁴ Ine ndikupemphera, usikuuno, kuti Mulungu awutenge mpingo uno... Tsopano, ziribe kanthu kuti Iye andidzoza ine mochluluka bwanji, Iye ayenera kuti akudzodzeni inu, aponso. Mukuona? Ziribe kanthu kuti ndi mochluluka bwanji m’mene Mzimu Woyeru ungayesere kulankhula *pano*, Payenera kukhala chinachake kunja *uko*, kuti chikamvere zimenezo.

²⁷⁵ Yesu anadutsa pakati pa gulu la anthu, tsiku lina, ndipo iwo anali akufuula, “Rabbi, Rabbi, ndife okondwa kuti inu mwabwera kuno, *wakuti-ndi-wakuti*.” Yesu amangoyendabe chitsogolo.

²⁷⁶ Ndipo apo panali mkazi wachichepere amene anabwera ndipo anadzagwira mphonje ya chovala Chake, ndipo anabwerera ndi kukakhala pansi. Yesu anaimikira ndipo anati, “Ndani wandikhudza Ine?”

²⁷⁷ Bwanji, Simoni Petro anati kwa Iye, kukhala ngati, bwanji, iye anamudzudzula Iye. Iye anati, “Chabwino, Inu munganene bwanji chinthu ngati chimenecho? Aliyense akukukhudzani Inu.”

²⁷⁸ Iye anati, “Koma Ine ndazindikira kuti Ine ndafooka. Ukoma,” chimene chiri mphamvu, “wachoka mwa Ine.”

²⁷⁹ Iye anayang’ana pozungulira ponse mwa omvetsera. Apo panali winawake amene anamukhulupirira Iye. Zinalibe kanthu, mwina analipo mazana pameneopo, koma apo panali wina amene anakhulupirira. Iye anampeza mkazi wachichepere uja, anamuza iye za vuto lake la magazi, linasiya, ndipo iye anali attachirtsidwa. Kulondola uko? [Osonkhana akuti, “Ameni.”—Mkonzi.] Anapitirira kumayendabe chitsogolo. Mukuona? Iye ali yemweyo dzulo, lero, ndi kwanthawizonse.

²⁸⁰ Tsopano, ife tiri ndi makadi a pemphero oti tigawe. Ife tinagawa theka la iwo, uko usiku watha, theka la iwo usikuuno.

²⁸¹ Kodi ife tinayambira oyambirira, usiku watha? Kodi ife tinayambira kuchokera pa fifitini oyambirira kapena twente, usiku watha, kuyambira wani mpaka *yakuti-ndi-yakuti*? Ndi chiyani? Mukuti chiyani? [Winawake akuti, “Twente.”—Mkonzi.] Wani mpaka twente. Chabwino. Ambiri a iwo ali pano usikuuno.

²⁸² Tiyeni tipereke ena kuyambira kumbuyo kwa iwo, ndiye. Tiyeni tiyambepo. Tiyeni tiwone. Ife tiri ndi maminiti fifitini, tiyeni tipereke makadi fifitini, ndiye. Tiyeni tiwone, zimenezo zikhala eyite faifi mpaka wani handirede. Tiyeni tiyambire pa eyite-faifi, mpaka wani handirede.

²⁸³ Ndani ali ndi khadi la pemphero eyite-faifi? Kwezani mmwamba dzanja lanu. Eyite-faifi, mkazi kumbuyo uko? Bwerani kuno, mlongo. Eyite-sikisi, ndani ali ndi eyite-sikisi? Pomwe pano. Eyite-seveni, eyite-seveni. Winawake kwezani dzanja lanu, eyite-seveni. Bambo uyu, eyite-seveni. Eyite-eyiti, eyite-eyiti. Eyite-naini, eyite-naini. Nainte, nainte-wani, nainte-thuu, nainte-firii, nainte-foro, nainte-faifi, nainte-faifi. Eya. Nainte-sikisi, nainte-seveni. Nainte-sikisi, ine sindinaliwone ilo likukwezedwa mmwamba, nainte-sikisi. Tsopano, ngati inu muli ndi khadi lanu, bwerani. Mukuona? Nainte-seveni, nainte-eyiti, nainte-naini, wani handiredi. Chabwino. Pamene anthu awa... Wani, thuu, firii, foro, faifi, sikisi, seveni, eyiti, naini. Alipo pafupifupi eyiti amene akusowa.

²⁸⁴ Tsopano tamverani. Izi ndi zonna. Musabwere kuno ndi tchimo likuzendewera pa moyo wanu. Inu kulibwino mulivomerezeretu ilo komweko, kwa Mulungu. Koma ngati—ngati inu mwatero, ngati inu mwavomereza tchimo lanu, bwerani kutsogolo kuno.

²⁸⁵ Ndi angati kunja uko alibe khadi la pemphero, ndipo inu mukufuna kuti Yesu akuchizeni inu? Kwezani dzanja lanu. Ndi angati angakhulupirire, ngati Yesu Khristu angatero... Ngati Iye... Ndi angati akukhulupirira izi?

²⁸⁶ Penyani. Ine ndiwafunsa azitumiki awa kumbuyo kwangaku. Abale, kodi ndi zonna, ngati atumiki a Uthenga, ife timakhulupirira kuti Baibulo, Chipangano Chatsopano, Bukhu la Ahebri, limanena, kuti, “Iye ali Wansembe Wamkulu pakali pano”? [Atumiki akuti, “Ameni.”—Mkonzi.] “Wansembe Wamkulu amene akhoza kukhudzidwa ndi kumverera kwa ziifooko zathu?” Nkulondola uko, abale? [“Ameni.”]

²⁸⁷ Ndi angati kunja uko amene akudziwa kuti Baibulo limanena kuti, “Wansembe Wamkulu”? [Osonkhana akuti, “Ameni.”—Mkonzi.]

²⁸⁸ Chabwino, ngati Iye ali Wansembe Wamkulu amene akhoza kukhudzidwa ndi kumverera kwa ziifooko zathu, tsopano, Iye anachita motani? Ngati Iye ali yemweyo dzulo, lero, ndi kwanthawizonse, ndiyе Iye anachita motani pamene wina anamukhudza Iye ndi kumverera kwa ziifooko zawo? Mkazi wamng’ono wa vuto la magazi, amene anamukhudza Iye, chifukwa iye anali ndi chosowa chofuna kukhudzidwa; Iye anapotoloka, ndipo anayang’ana uku ndi uku mpakana Iye anampeza iye, anamuitana iye. Zonna zimenezo? Zonna zimenezo, abale? [Atumiki akuti, “Ameni.”—Mkonzi.] Tsopano, ngati Iye ali Wansembe Wamkulu yemweyo, Iye ayenera kudzachita mwanjira yomweyo, chifukwa Iye ali—Iye ali Wansembe Wamkulu. Zonna zimenezo? [“Ameni.”] Chabwino, Iye adzayenera kudzachita mwanjira yomweyo.

²⁸⁹ Tsopano, inu simukusowa makadi a pemphero. Ayi. Inu simukusowa khadi la pemphero. Chinthu chokhacho chimene inu mukusowa ndicho kukhala ndi chikhulupiro mwa Mulungu. Inu mukhale ndi chikhulupiro, mungokhulupirira ndi mtima wanu wonse kuti Yesu Khristu amachiza odwala ndi osautsika, ndipo Iye motsimikiza achita zimenezo.

²⁹⁰ Tsopano, tiyenи tiweramitse mitu yathu kwa kamphindi chabe kwa pemphero tsopano, kachiwiri, chirichonse chisananenedwe kapena kuchitidwa. Tsopano, ine sindikunena kuti Iye adzachita zimenezo. Ine ndikudalira kuti Iye atero. Koma i—ine ndikukhulupirira, ndipo ine ndikudalira kuti Iye achita zimenezo. Tsopano, ngati Iye angachite zimenezo, ndi angati a inu adzakhulupirire? Kwezani mmwamba dzanja lanu. Iye ataperekа izo, ndiro pemphero langa.

²⁹¹ Atate Akumwamba, tsopano ine ndanena zimene Mawu Anu akunena, "Kusiya zonse, kuti tikutsatireni Inu." Iwo amene anasiya zonse, anadzakuwonani Inu. Ndipo ziribe kanthu zimene Inu mudzachita, iwo amene sadzasiya tchimo ndi kukutsatirani, sadzatha konse kumvetsa. Iwo amene amasiya tchimo, kusakhulupirira...

²⁹² Ife tikudziwa kuti tchimo ndi kusakhulupirira. Ziribe kanthu kaya tikukhala moyo woyerachotani, zonse zimene ife tikuchita, ngati ife sitikukhulupirirabe, ife ndife ochimwa. Baibulo limati, "Iye amene sakhalupirira waweruzidwa kale." Kotero ife tikudziwa kuti ife tiyenera kuhulupirira "Mawu aliwonse amene atuluka kuchokera mkamwa mwa Mulungu." Chimenecho chiyenera chizikhala chakudya chathu cha tsiku ndi tsiku.

²⁹³ Ndipo ine ndikupemphera, Atate, kuti, monga mmene ine ndawerengera mobwerezakuchokera m'Malemba usikuuno, malonjezo Anu a masiku otsiriza ano, ndi zimene ife tingaziyembekezere mmasiku otsiriza ano. Ngati izo zakhala zolondola, Ambuye, ndiye muwatsimikizire Mawu awa ndi zizindikiro zotsatira. Perekani izi.

²⁹⁴ Ine ndikudziperekadekha kwa Inu, ndi Mawu, ndi anthuwa. Ine ndikupemphera, Atate, kuti Inu mudule mitima kunja uko, kuti akakhulupirire ndi mtima wawo wonse, ndipo makamaka awa amene ati adzakhale mu mzere wa pemphero. Ndiyeno muwalole anthu awone kuti Mesiya, Yesu Khristu, Mzimu Woyer, ali ndi ife usikuuno. Iye ali mu Mpingo, Mpingo Wosankhidwa, oitanidwa-atuluke, Mbewu ya Abrahamu, mwa lonjezo lachifumu. Perekani izi, mu Dzina la Yesu. Ameni.

²⁹⁵ Tsopano, tsopano mundilore ine nding'oyang'ana, mphindi. Tsopano, ife tingotenga nthawi yathu, kwa maminiti pang'ono chabe, apang'ono kwambiri basi, pafupi maminiti teni.

²⁹⁶ Kodi inu mukumukonda Iye? [Osonkhana akuti, "Ameni."—Mkonzi.] Kodi inu mukumukhulupirira Iye? ["Ameni."] Kodi inu mukukhulupirira kuti zinthu izi zimene ine ndaziwerenga kwa inu kuchokera m'Mawu usikuuno kuti ndi zoona? ["Ameni."] Kodi inu mukukhulupirira kuti Yesu anachita zimenezo pamene Iye anali pa dziko lapansi? ["Ameni."] Kodi inu mukukhulupirira kuti Iye analonjeza izi? ["Ameni."] Kodi inu mukukhulupirira kuti ife tiri m'masiku otsiriza? ["Ameni."] Tsopano, limenelo ndi lonjezo Lake. Iye ayenera kukhala moyo wa ilo. "Ngati inu mukhala mwa Ine, Mawu Anga akakhala mwa inu, ndiye mupemphe chimene inu mukufuna. Ichochidzachitidwa kwa inu." Tsopano, chokupangitsani chanu ndi cholinga chiyenera kukhala cholondola. Inu muyenera kukhulupirira zimenezo ndi mtima wanu wonse.

²⁹⁷ Tsopano, ine sindikukhulupirira kuti apo pali munthu mu mzere wa pemphero amene ine ndikumudziwa. Ndife alendo.

Ndine mlendo. Kunja *uko*, alendo. Nonse inu mukudziwa kuti ine sindikudziwa kanthu za inu, inu amene muli mu kamzere kakang'ono ka pemphero aka *apa*, kwezani mmwamba dzanja lanu, mukudziwa kuti ine sindikudziwa kanthu za inu. Kulondola. Onse kunja *uko*, amene mukudziwa kuti ine sindikukudziwani inu, kapena sindikudziwa kalikonse za inu, kwezani mmwamba dzanja lanu, tangoonani. Ndi zimenezotu. Ndiye, ndi nkhani yobisika. *Apa* pali ena amene ali ndi makadi a pemphero. *Apo* pali wina wopanda pemphero . . .

²⁹⁸ Khadi la pemphero si kanthu koma kakhadi kakang'ono kokhala ndi nambala pa iko. Timangokupatsani inu nambala, mnyamata amabwera kuno ndi kudzawachokocha iwo, ndipo aliyense amene akufuna khadi la pemphero akhoza kulandira ilo. Ndipo iye samadziwa, palibe aliyense amene amadziwa, pamene liri. Chabwino, iye sangathe kudziwa ngati makhadi onsewo achokochedwa, kuchokera pa malo amodzi kupita kwina. Iwo samadziwa nkowwe yemwe ati adzakhale mu mzere wa pemphero, chifukwa ife sitingakhoze kudziwa zimenezo. Nthawi zambiri, ife timawatengera iwo kumeneko . . .

²⁹⁹ Pamene ine ndinkayamba, ife tinali ndi munthu uko amene ankagulitsa makadi a pemphero. Wina anati, "Ine ndikupatsa iwe madola faifi handiredi kuti uwaike akazi anga mu mzere." Mukuona?

³⁰⁰ Ine ndinamutenga mwana wanga yemwe. Ndiye ine ndinati, "Mwana wanga, kuti anthu asamakudandaule, kuti iwo azidziwa kuti iwe sungagulitse khadi la pemphero, uzikaimirira patsogolo pawo, nkukawasakaniza makadi a pempherowo monga *chonchi*, ndiye nkumakawaperekwa iwo kwa aliyense amene akuwafuna. Ndipo pambali pa zimenezo, mwana wanga, iwe sumadziwa konse kuti ine ndiyambira pati kuitana mpakana ine nditafika kumeneko."

³⁰¹ Ndi angati amene aziwonapo izo mu msonkhano, nthawi ndi nthawi? [Osonkhana akuti, "Ameni."—Mkonzi.] Basi nthawi iliyonse, ine ndimasintha, ndi kupita *apa*, *apo*. Ndiyeno, pambali pa zimenezo, pamene mmodzi wachiritsidwa pa nsanja, pamakhala dazeni amene atchulidwa kunja *uko*, mukuona, uko nkulondola, opanda makadi a pemphero.

³⁰² Kotero zimakhala mosalakwitsa Ambuye Yesu Khristu, yemweyo dzulo, lero, ndi kwanthawizonse.

³⁰³ Kodi inu musiya zonse, kuti mumutsatire Iye? Kodi inu mukulolera kusiya kusakhulupirira kwanu, kuti mumutsatire Iye chifukwa cha machiritso? Kusiya zanu—zinthu zanu zachidziko, kuti mumutsatire Iye mu chiyero, ndi kumayenda chifukwa cha Iye. Muchite zimenezo tsopano. Ine sindikunena kuti Iye achita zimenezo. Ngati Iye angatero, ndiye inu mudzadziwa.

³⁰⁴ Mkazi uyu amene waima *apa*, ichi ndi—chithunzi kachiwiri, monga ine ndinanena usiku watha, za Yohane Woyerā 4. Apa pali mwamuna ndi mkazi, akukumana nthawi yoyamba mmoyo. Ndipo panali pa benchi yaing'ono. Ngati inu munayamba mwakhalapo uko ku Samaria, kunja kwa Sukari uko, pa—pa chitsime chaching'ono. Kuli mawonekedwe aang'ono, mipesa yokhala m'mbali mwakemo, monga *choncho*. Ndi pamene mkaziyo anadzakhala, akulankhula ndi Yesu. Mwamuna, mkazi, anakumana kwa nthawi yoyamba. Ndipo Iye anamuropa mkazi ameneyo chimene chinali vuto lake. Vuto lake linali, iye anali wochimwa.

³⁰⁵ Zikhzoa kukhala kuti ndi iyeyo. Iye mwina ndi wochimwa. Iye mwina ndi wachinyengo. Iye mwina ndi woyerā. Iye mwina akufuna machiritso a thupi lake. Iye mwinamwake akufuna machiritso a winawake. Iye mwinamwake ali ndi vuto la zachuma. Iye, ine sindikudziwa chimene iye wadzera pano. Ine sindingathe basi kukuuzani inu. Iye wangoima pamene podo, mkazi. Ndi zokhazo. Ichi ndi choonadi. Ife sitinayambe takumanapo. Koma ngati Ambuye Yesu angabwere pano . . .

³⁰⁶ Tsopano, kumuchiritsa iye, ngati iye akudwala, ine sindingathe kuchita zimenezo. Ine sindingathe kuchita chimene Mulungu anachita kale. Tsopano, chinthu chokhacho . . .

³⁰⁷ Nanga bwanji ngati Yesu akanati waima pano atavala suri iyi? Ngati iye akanabwera kwa Yesu ndikuti, “Yesu, Inu mungandichize ine?”

³⁰⁸ Chabwino, Iye akanati, “Mwana Wanga, ine ndinachita kale zimenezo. Ine ndinavulazidwa chifukwa cha machimo ako. Ndi mikwingwirima Yanga iwe unachiritsidwa.” Nkulondola uko? [Osonkhana akuti, “Ameni.”—Mkonzi.] Iyo ndi ntchito yotsirizidwa.

³⁰⁹ Inu mukabwera, ndikudzati, “Yesu, kodi Inu mungandipulumutse ine? Inu mungandipulumutse ine?” Funso lake si limenelo. Iye anachita kale zimenezo.

³¹⁰ “Ambuye Yesu, ine ndikulandira Chitetezero Chanu. Ine ndine wochimwa.” Mukuona? Inu munapulumutsidwa kumbuyo uko. Inu munachiritsidwa kumbuyo uko. Inu munangovomereza izo. Mwa chikhulupiriro inu munapulumutsidwa. Mwa chikhulupiriro inu munalandira chipulumutso chanu.

³¹¹ Ndipo wina akabwera, nakuuzani inu kuti iwo ali ndi mphamvu ya machiritso, ndipo iwo akhoza kukuchizani inu, inu mukhale . . . inu muzikhala mukudziwa zimenezo, chifukwa si zimenezo. Mphamvu ya machiritso ili mwa Khristu, ntchito yotsirizidwa kale.

³¹² Ngati munthu akuuzani inu Mulungu wamupatsa iye mphamvu yokhululukira machimo anu, ndikuti azichita zimenezo, inu musakhulupirire izo. Iwo anakhululukiridwa kale.

Yesu ataima pano usikuuno, chinthu chokhacho, chingakhale kulengeza kuti iye ndi Mwana wa Mulungu.

³¹³ Nanga bwanji ngati Iye akanakhala . . . Nanga bwanji ngati tsopano manja angaakanadzaza ndi zipsyera za misomali, ndipo magazi akutuluka mwa iwo, ndipo minga zitazungulira *apa?* Izo sizikanapangabe izo kukhala Yesu. Zimenezo zingakhale thupi langa.

³¹⁴ Ndipo ife tikudziwa kuti thupi likukhala pa dzanja lamanja la Mulungu. Ndipo pamene ilo liti lidzabwere, nthawi siidzakhalaponso. Zoona zimenezo. Pamene Yesu akudzatsika, zidzakhala zonse za izo.

³¹⁵ Koma Iye ali pano mmaonekedwe a Mzimu. Ndiyeno Moyo Wake uli mwa inu ndi ine, kuti akupatseni inu chikhulupiriro ndi kundipatsa ine chikhulupiriro.

³¹⁶ Tsopano, tayang'anani kuno. Ichi—maikrofoni iyi, ngati pakanati pasakhale liwu la moyo pano kuti liziyankhulira mmenemo, iwo akanangokhala duu kwenikweni. Nkulondola uko?

³¹⁷ Tsopano, taonani. Mvetserani mwatcheru, koteru kuti inu musaphonye izi tsopano. Vuto ili, ngati Mulungu ati achite izo, zikhazikitsa izo.

³¹⁸ Tsopano, maikrofoni iyi siingathe kulankhulanso monga chosalankhula, chifukwa iyo ilibe kanthu kolankhulira. Kulondola uko? Tsopano, njira yokhayo imene maikrofoni imeneyo ingathe kulankhulira, ndiyo china chilankhule mwa iyo.

³¹⁹ Tsopano, ine ndiri pano. Ine sindikumudziwa mkazi ameneyo, sindinayambe ndamuwonapo iye. Awa ndi manja anga pamaso pa Mulungu, ndipo iye anakweza manja ake, kuti ife sitikudziwana wina ndi mzake. Ine sindikudziwa kanthu za iye. Koma, kufikira chinachake chitabwera *umu*, kuti chilankhule chimene chili vuto *pamenepo*, ndine bubu, inenso, chifukwa ine sindikudziwa kalikonse. Mulungu akudziwa kuti izo ndi zoona. Mukuona? Payenera kukhala Chinachake chimene chikuchita kuyankhulako.

³²⁰ Tsopano, inu mukhoza kutenga chisankho chanu. Ngati inu, monga Filipo, iye anati . . . Kapena, Natanieli anati, "Inu ndinu Khristu, Mwana wa Mulungu wamoyo. Inu ndinu—Mfumu ya Israeli." Mukuona? Kapena, inu mukhoza kukhala iwo onena iye anali Belezebule. Inu mukuona kumene iwo ali usikuuno? Ndikudabwa kuti Nataniele ali kuti usikuuno? Wachisavundi. Mukuona? Pangani chisankho chanu. Zimenezo ziri ndi inu. Mukuona?

³²¹ Koma tsopano ine ndikunena zimenezo, podikirira kuti ndiwone ngati Iye ati andipatse ine kudzodzako. Ngati Iye sapereka kudzodzako, ndiye pali chinthu chimodzi chokha

chimene ine ndingathe kuchita, amzanga, ndicho kupepesa, kuti Iye sanakumane nane ine usikuuno. Ndiyeno ife tidzangoika manja pa anthu odwala awa ndi kuwapempherera iwo, ndi kupempha mdalitso, kupanga kuitanira paguwa, ndi kumapita kunyumba. Ndi zokhazo zimene ife tingathe kuchita. Ndi zokhazo zimene ine ndimadziwa kuzichita.

³²² Koma ngati Iye angabwere, ndiye ine ndikuganiza kuti aliyense wa inu amene munakweza dzanja lanu, kuti inu mukufuna kumuwona Khristu, ine ndikuganiza kuti ndi udindo wanu, mwamsanga basi izi zikangotha, kuti mubwere kuno ndi kudzagwada pansi, ndikutu, “Ambuye Yesu, ine tsopano ndikudzipereka ndekha kwa Inu.”

³²³ Chifukwa, ngati ine ndiri wabodza, Iye sangamuvomerezere konse wabodza. Iye sangakhale ndi chochita chirichonse ndi tchimo. Mulungu sangatero. Koma ngati ine ndakuuzani inu Choonadi, ndiye Iye ali wokakamizidwa ndi Mawu Ake, kuti—kuti—kuti adzatsimikizire kuti izo ndi Choonadi.

Mulungu, perekani izi.

³²⁴ Tsopano mungokhala molemekeza. Mukuona? Paliponse mwa omvetsera, mungokhala molemekeza.

³²⁵ Ine mwina ndiyenera kuti ndilankhule ndi inu kwa miniti chabe, dona, basi chinachake chimzake. Ine sindikumverera kudzodza pa ine. Ndipo ine—ine sindikukudziwani inu, ndipo koteru ndi momwemo. Tsopano, chinthu chokhacho chimene ine ndikufuna kuti inu muchite, ngati ine ndikakufunsani inu chirichonse, mungonena kuti “inde” ndi “ayi.” Mukuwona? Tsopano, chifukwa chimene ine ndikuchitira izi... Tiyeni tingotenga chinachake, kuti icho chithe... .

³²⁶ Ife sitimafuna kulisiya konse Lemba. Tikakhala mu Lemba momwemo, ndiye ife timadziwa kuti ife tikulondola.

³²⁷ Tsopano, mwachitsanzo, Yesu, tsopano, Iye anali uko mu dziko lina. Ndipo Iye anali ali panjira Yake waku Yeriko, kumene kunali molunjika kumusi kwa phiri. Koma Iye anali ndi chosowa kuti adzere ku Samaria, kukwera mbali *iyi*. Tsopano, Atate anali atamutuma Iye kuti apite kumeneko. Yesu anati... .

³²⁸ Mu mutu wotsatira, mutu wa 5, pamene Iye anachiza munthu amene anali ndi vuto linalake. Zikwi za anthu zinali zitagona pamenepo, unyinji wa olumala, akhungu, osayenda, opinimbira, akudikira kukondowezedwa kwa madziwo. Ndipo Yesu anadzapo, ndipo Iye anamuwona mwamuna amene anali ndi nthenda yokhalitsa, mwinamwake TB, kapena vuto la chikhodzodzo, kapena chinachake. Ndipo Iye anamchiza iye, chifukwa Iye anadziwa kuti iye anali kumeneko, ndipo iye ankadziwa kuti iye anali njira imeneyo. Anapitirira, anawusiya unyinji wonsewo apo. Anapitirira patsogolo, nkuchokapo. Ife tikudziwa kuti zimenezo ndi zonna. Kulondola uko? [Osonkhana akuti, “Ameni.”—Mkonzi.]

³²⁹ Iwo anapeza, Ayuda anampeza Iye, ndipo anamufunsa Iye. Iwo akhoza kumufunsanso Iye kachiwiri usikuuno. “Nchifukwa chiyani Iye anatero? Ngati Iye ali wachifundo, ndipo amakonda aliyense, nchifukwa chiyani Iye anasiya unyinji wonsewo wa olumala, akhungu, osayenda, opinimbira, atagona pamenepo?”

³³⁰ Anangomuchiritsa munthu m'modzi amene sanali wodwala kwambiri. Sanali woti angamuphe iyeyo. Iye anali nawo iwo, zaka sate-eyiti. Iwo anali opinimbira. Iye amatha kuyenda. Anati, “Pamene ine ndipita ku dziwe, wina amandipitirira ine kumeneko.” Mukuona? “Wina amakapondamo ine ndisanafikemo.” Koma Iye anamuchiritsa munthu mmodzi ameneyo.

³³¹ Ndipo pamene Iye anafunsidwa, Mawu Ake anali awa. Yohane Woyer 5:19, “Indetu, indetu, Ine ndinena kwa inu, Mwana sakhoza kuchita kanthu mwa Yekha; koma chimene Iye awawona Atate akuchita, chimenecho amachita Mwana chimodzimodzi.”

Kotero pamene Iye anapita ku Samaria, Ambuye anamutsgolera Iye kumeneko.

³³² Tsopano, Ambuye ananditsogolera ine, wantchito Wake, ku Phoenix. Iye ananditsogolera ine kuno usikuuno. Tsopano ine ndiri pano, ndikumanena zodzinenera Zake.

³³³ Tsopano, pamene Yesu anapita ku Samaria, chinthu choyamba chimene Iye anakachipeza chinali mkazi amene anabwera patsogolo pa Iye. Iye analankhula ndi iye mpakana Iye anapeza vuto lake. Pamene Iye anamuuya iye, mofulumira iye anazindikira kuti Iye anali mneneri kapena Mesiya wolonjezedwayo. Iye anati Iye anali Mesiya. Mukuona?

³³⁴ Kotero ife tikudziwa kuti aneneri analipo mmasiku ammbuyomu. Lero ndi Khristu. “Mulungu mu nthawi zamakedzana ndi mmachitidwe osiyanasiyana ankalankhula ndi makolo mwa mneneri; mu masiku otsiriza ano kudzera mwa Mwana Wake, Khristu Yesu,” chimene chiri Mzimu Woyer a mwa ife.

Tsopano Iye wafika pano.

³³⁵ Inu mwazindikira zimenezo. [Mlongo akuti, “Inde.”—Mkonzi.] Ine ndikufuna kuti ndikufunseni inu, monga Mkhristu wina kwa mzake. Basi mwamsanga pamene ine ndinayang’ana cha kumeneko, inu munatha kuzindikira kuti chinachake chachitika, Mzimu weniweni wokoma, wodzichepetsa. Ndi zonna zimenezo? Kwezani mmwamba dzanja lanu ngati izo ziri zonna, kuti anthu awone. Mukuona? Tsopano, pakali pano, mukayang’ana pa mkaziyu, ngati inu mungathe kumuwona iye, taonani pamenepo, Kuwala kwa amba. Iko kukuyenda momuzungulira mkaziyo.

³³⁶ Tsopano iye akuyenda kuchoka kwa ine. Ayi. Kukupita kwa winawake. Ndi mkazi wina. Ndi, inu mukupempherera mkazi, munthu winawake. Ndi apongozi anu aakazi. [Mlongo akuti, “Inde.”—Mkonzi.] Ndipo iye ali ndi vuto la—impsyo. [“Inde.”] Ndipo—ndipo iye ali ndi impsyo imodzi yokha. [“Inde.”] Ndipo inu mukuchita mantha kuti ndi khansa. Ndipo ndi chifukwa chake inu muli pano, kuti mudzandifunse ine kuti ndimupempherere iye. [“Inde.”] Ichi ndi PAKUTI ATERO AMBUYE. Inu mukukhulupirira? Pitani, mukhulupirire ndi mtima wanu wonse, ndipo iwo sakasowa kuti akayichotsepo iyo. Musakayikire. Mukatenge kanthu kakang’ono ako kamene inu muli nako m’dzanja lanu, mukakaike pa iye.

³³⁷ Inu mukukhulupirira ndi mtima wanu wonse? [Osonkhana akuti, “Ameni.”—Mkonzi.]

³³⁸ Inu muli bwanji? Ife ndi alendo, nafenso, kwa wina ndi mzake. Nthawi yathu yoyamba kukomana. Ndipo ngati... Mulungu, kudzera mwa Mwana Wake, Yesu Khristu, watumiza Mzimu Wake. Yesu anati, “Paliponse pamene awiri kapena atatu asonkhana mu Dzina Langa, ine ndidzakhala pakati pavo.” Ili ndilo lonjezo Lake, sichoncho izo? Tsopano, Iye sangakhoze kubwerera pa lonjezo Lake.

³³⁹ Chinthu chokhacho, ndichakuti, ndife opepera kwambiri mu chikhulupiro, mpaka ife timalephera kuti timuone Iye. Ndiye ndi chifukwa chake Mulungu amatumiza aneneri pa dziko lapansi. Mukuona, anthu samawerenga Baibulo lawo. Ndipo iwo—iwo satero. Iwo amangopita, koteru Mulungu nthawizonse amawatumizira iwo chizindikiro. Ndipo kawirikawiri mneneri amakhala chizindikiro. Mukuona? Ndipo lero Mzimu Woyeria ndiye Chizindikiro chathu, chifukwa Iwo ndi Mneneri wa Mulungu akuyenda mwa ife. Iwo ndi mneneri wa Mulungu, chizindikiro cha masiku otsiriza.

³⁴⁰ Tsopano, sindikukudziwani inu, ndipo sindikudziwa kanthu za inu. Koma ngati Ambuye Yesu Khristu, zimene ine ndangonena kumene, kuchokera mu Baibulo, angalankhule kudzera mwa ine ndi kundiuba ine chimene inu mwaimirira pamene, kodi icho chingakupangitseni inu kukhulupirira? [Mlongo akuti, “Inde”—Mkonzi.] Kodi chingapangitse omvetsera kukhulupirira? [Osonkhana akuti, “Inde.”]

Tsopano, Atate akumvetsera. Ine ndikudziwa.

³⁴¹ Inu mukuvutika ndi vuto la manjenje. Uko ndi kulondola. Ngati izo ziri zoona, kwezani mmwamba dzanja lanu.

³⁴² Tsopano, winawake kunja uko akuganiza kuti ine ndinalota zimenezo. Tsopano, inu simungathe kuzibisa izo tsopano, m’bale. Zimenezo zikubwera kuno. Mukuona? Ine ndinachigwira icho. Inu musakhulupirire icho. Inu musakhulupirire konse chimenecho. Chimenecho ndi tchimo. Kumeneko ndi kusakhulupirira. Mulungu adzakuweruzani inu chifukwa

cha chimenecho. Inu mudzakayankha pa Tsiku Lachiweruzo. Ine ndiyenera kuzitchula zimenezo, koma kawirikawiri ine ndimalowa nazo mmavuto.

³⁴³ Ine sindikudziwa chimene Iye wakuuzani inu. Mphindi chabe. Eya, ndi zimenezo apo, mthunzi. Ndi manjenje, kufooka. Mumafrika nazozo, mumasokonezeka nazoz, mwakhala nazoz kwa nthawi yaitali. Uko nkulondola. Inu muli ndi vuto lina, inunso. Muli ndi winawake amene inu mukumupempherera. Mwamuna wanu, ku chipatala, ali ndi vuto la mmimba, wapangidwa kumene opareshoni. Akazi a Good, inu pitani kunyumba, mukhulupirire ndi mtima wanu wonse. Ndipo mukaike icho pa iye, ndipo iye akakhala—akakhala bwino. Mulungu akudalitseni inu.

³⁴⁴ Kodi Iye amakudziwani inu? Mukuona? Ndithudi, Iye amatero. Ine ndikuona. Ndicho... Kodi inu simukuzindikira kuti Yesu yemweyo amene ankayenda mu Galileya ali Yesu yemweyo pano usikuuno? [Osonkhana akuti, "Ameni."—Mkonzi.] Kodi inu simukutha kuzindikira zimenezo? ["Ameni."]

³⁴⁵ Tsopano, ine sindikudziwa kanthu kake... Ine ndikuganiza kuti uyo ndi mkazi amene wapemphereredwa, kumene *pamenepo*. Kulondola uko? Alipo ena mwa anthu inu amene mumamudziwa mkazi ameneyo? Alipo amene akumudziwa mkazi ameneyo? Kwezani mmwamba dzanja lanu. Kodi zinthu zimenezo zinali zolondola? Gwedezani manja anu, ngati izo ziri. Pomwe *apo*. Ziri bwino.

³⁴⁶ Tabwerani. Mumalankhula Chingerezi? [M'bale akuti, "Inde, bwana."—Mkonzi.] Ziri bwino. Mmwenye? ["Mmwenye."] Ine ndimakulemekezani inu, wa Chimereka weniweni. ["Inde, bwana."] Ine sindikuganiza... Ine, basi ngati munthu mmodzi, ine sindingathe kupanga lingaliro. Ine ndikhoza kungopanga lingaliro limodzi langa lokha. Ine ndikuganiza kuti inu simukulandira chisamaliro choyenera. Inu mukudziwa kuti ine sindikutero. Ine ndikuganiza, m'malo moti azitumiza mamiliyonu ndi mabiliyonu a madola, kutsidya kwa nyanja, iwo bwenzi akukusamalirani anthu inu. Kulondola. Kulondola kwenikweni. Mtima wanga nthawizone umakhudzidwa ndi inu. Ine ndinali kumalo opatulidwa mu San Carlos, osati kale litali. Momwe Mzimu Woyeru unayendera kumeneko, unawachiza anthu osauka awo!

³⁴⁷ Ndine mlendo kwa inu, bwana. Ine sindikukudziwani inu. Ine sindinayambe ndakuwonanipo inu mmoyo mwanga. Ife ndife alendo kwathunthu. Uko nkulondola. Ndife amafuko awiri osiyana. Ndine Wachizungu; inu ndinu M'mwenye. Ine ndiri ndi magazi pang'ono mwa ine ochokera kwa amayi anga. Agogo anga aakazi anali achi Cherokee. Ine ndimanyadira nazoz zimenezo. Kulondola. Koma ngati m'bale

wanga, ine sindingachite kanthu kuti ndikupwetekeni inu. Ine ndingakuthandizeni kokha inu.

³⁴⁸ Mtundu wa Chimwenye, unkakonda kukhala, ngati iwo akhala ndi wina pakati pavo, amene angathe kuneneratu ndi kuwasonyeza kumene nyamayo ili, iye amasanduka mneneri pakati pavo. Ndipo iwo amakhaladi. Koma ngati iye aneneratu chinachake chimene chinali chosalondola, iye ankayenera kuti afe chifukwa cha zimenezo. Iye ankayenera kutero. Uko nkulondola. Iwo sankawalekerera iwo.

³⁴⁹ Ngati Mulungu ali Mulungu...Fuko mwina likhoza kukupatsani inu chisamaliro chosayenera, koma Mulungu sadzapereka konse kwa inu chotero. Iye anatumiza Mwana Wake chifukwa cha inu.

³⁵⁰ Ine ndangowona kumene zimene zinachitika. Inu mwangobwera kumene kuchokera ku chipatala. [M'bale akuti, "Izi nzoona."—Mkonzi.] U—nhu. Inu mwabwera kuno kuti mudzapemphereredwe. Inu muli ndi vuto la m'mimba, ndipo mukukonzekera opareshoni. ["Inde."] Ndizo PAKUTI ATERO AMBUYE. Bwerani kuno.

Atate Akumwamba, ine ndikudzudzula vuto la mmimba ili.

³⁵¹ Satana, iwe wabisala kwa adokotala, koma iwe sungabisale konse kwa Mulungu. Tuluka mwa iye, mu Dzina la Ambuye Yesu Khristu. Ameni.

Musadandaule ndi zimenezo. Kazipitani, mukakhala bwino.

Inu mukukhulupirira? [Osonkhana akuti, "Ameni."—Mkonzi.]

Inu muli bwanji?

³⁵² Dona wamng'ono uyu wakhala pomwe *apa*, akupemphera, kumbuyo kwa msungwana uyu wakhala kutsogoloyu, ali ndi vuto la chikhodzodzo, inu mukukhulupirira Ambuye Yesu akuchizani inu, dona? [Mlongo akuti, "Ine ndikukhulupirira kuti Iye anatero."—Mkonzi.] Ndi zimenezotu.

³⁵³ Ndiuzeni ine Ndani amene iye wamukhudza. Iye ali mapazi twente kuchokera kwa ine. Iye anakhudza Wansembe Wamkulu, uko nkulondola, amene amakhoza kukhudzidwa ndi kumverera kwa zifooko zathu. Kodi inu simukukhulupirira zimenezo? [Osonkhana akuti, "Ameni."—Mkonzi.]

³⁵⁴ Inu mukukhulupirira, dona? [Mlongo akuti, "Inde."—Mkonzi.] Inu mukukhulupirira Mulungu akhoza kundiuzi ine chimene chirri vuto lanu? ["Inde, ine ndikutero."] Si inu amene muli ndi vuto. Ndi mchemwali wanu. ["Izo nzoona."] Iye ali ndi khansa. ["Inde."] Izo nzoona. Musati... Mukhulupirire. Musakaikire. Muwatengere iwo mpango umene inu muli nawo, ndipo mukawuike iwo pa iye. Mukakhulupirire ndi mtima wanu wonse. Iye akatuluka mu chimenecho. ["O

Yesu!”] Inu mukhulupirire ndi mtima wanu wonse. [“Zikomo Inu, Yesu.”] Tsikani mmusi. U-nhu.

³⁵⁵ Mukhale ndi chikhulupiriro. Kodi inu mukukhulupirira izo ndi mtima wanu wonse? [Osonkhana akuti, “Ameni.”—Mkonzi.]

Icho chachoka pa nsanja. Icho chiri mwa omvetsera.

³⁵⁶ Ndi mkazi wamng’ono, wochepa thupi wakhala kumbuyo uko, amene ali ndi TB. Wakhala kumbuyo uko, akupemphera. Inu mukukhulupirira kuti Mulungu akuchizani inu? Inu mukutero? Dona wamng’ono amene akuyang’ana molunjika, kumbuyo uko mmbuyo. Kwezani mmwamba dzanja lanu, kumbuyo uko, dona, kumbuyo kwa mwamuna ameneyo amene akutembenukayo. Mukhulupirire ndi mtima wanu wonse. Inde. Mkazi wamng’ono, wodula tsitsi. Chabwino. Ndi zimenezotu. Mukhulupirire izo, ndipo izo zatha.

³⁵⁷ Kodi iye anakhudza chiyani, kutali kumbuyo uko? Ine ndikukufunsani inu kuti mukhulupirire izo.

³⁵⁸ Nanga bwanji inu, dona? Inu mukukhulupirira kuti vuto la nsana lija lakuchokerani inu, kuyambira pamene inu munayima pamene? Chabwino, ndiye, basi kazipitani. Ndizo zonse zimene inu mumayenera kuti muchite. [Mlongo akuti, “Zikomo Inu, Yesu.”—Mkonzi.] Mukhulupirire izo ndi zonse zimene ziri mwa inu.

³⁵⁹ Inu munali ndi chinthu chomwecho. Kotero ngati inu mutangokhulupirira, basi kazipitirizani kumaguba, mukunena kuti, “Zikomo Inu, Ambuye. Chizani izo.” Mukhulupirire ndi mtima wanu wonse.

³⁶⁰ Inu mukuopa kuti mulumala ndi nyamakazi. Sichoncho inu? Kotero ngati inu mukukhulupirira, mukhulupirire ndi mtima wanu, zipitani. Mukhulupirire ndi mtima wanu wonse, ndipo mukakhala bwino. Ndizo zonse zimene inu muyenera kuchita, ndiko kukhulupirira.

³⁶¹ Inu mukukhulupirira? [Osonkhana akuti. “Ameni.”—Mkonzi.] Nanga bwanji anthu ena inu kunja uko? Kodi inu muli mu chikhulupiro, mukukhulupirira?

³⁶² Nanga bwanji ngati ine nditakuuzani inu kuti Yesu wakuchizani inu, mutaima pamene, kodi inu mungakhulupirire zimenezo? [Mlongo akuti, “Ameni.”—Mkonzi.] Ingoyambani kumayenda, mukuona, mukukhulupirira ndi mtima wanu wonse.

³⁶³ Kodi inu mukufuna muzipita kwanu, mukadye chakudya chanu chamadzulo? Mukukhulupirira kuti manjenje a m’mimba aja akuchokerani inu? Pitani, mukadye ngati inu mukufuna kukatero. Mukhulupirire.

Kodi inu mukukhulupirira? [Osonkhana akuti. “Ameni.”—Mkonzi.]

³⁶⁴ Nanga bwanji mkazi uyo amene wakhala apoyo, akupempherera wamng'ono uyo....Mwana ameneyo ali ndi vuto la magazi? Inu mukukhulupirira kuti Mulungu amuchiza mwanayo? Chabwino, inu mukhoza kukhala nacho icho.

³⁶⁵ Icho chamukhudza dona ameneyo, pomwepo—pafupi pomwepo ndi inu uko. Iye wakhala pameneopo akupempherera vuto la manjenje, uku nkulondola, pafupi ndi inu. Komanso, inu muli ndi m'bale amene ali ndi vuto la misala. Uku nkulondola. Muli ndi amayi amene ali ndi diso lovuta. Inu mukukhulupirira ndi mtima wanu wonse, Mulungu awachiritsa iwo. Ameni.

³⁶⁶ Inu mukumukhulupirira Iye? [Osonkhana akuti. "Ameni," ndipo akusangalala—Mkonzi.]

³⁶⁷ Nanga bwanji inu apo, mu chikuku? Inu mukukhulupirira? Uyo ndi mwana wanu wakhala apoyo, amene wangonena kumene izo pameneopo. Ameneyo ndi mwana wanu wamwamuna. Inu muli ndi khansa pa nkhopre yanu. Inu mukuvutikira kumva. Inu mukufunafuna ubatizo wa Mzimu Woyer. Uko nkulondola. Ngati inu mukukhulupirira izo ndi mtima wanu wonse! Inu mukhulupirira izo chifukwa cha iye, mwanayo? Inu mukhulupirira izo ndi mtima wanu wonse? Mumuuze iye mu khutu mwakemo. Muike dzanja lanu pa iye, ndipo mumulole iye kuti alandire ubatizo wa Mzimu Woyer.

³⁶⁸ Kodi inu mukukhulupirira kuti Yesu Khristu ali yemweyo dzulo, lero, ndi kwanthawizone? [Osonkhana akusangalala—Mkonzi.]

³⁶⁹ Kodi inu mukukhulupirira Mesiya, Mesiya wamkulu wa Mulungu, amayenda pakati pa anthu Ake? [Osonkhana akusangalala—Mkonzi.]

³⁷⁰ Kodi inu mukulolera kuti musiye zonse ndi kumutsatira Iye? [Osonkhana akusangalala—Mkonzi.] Ngati inu mukutero, kwezerani mmwamba manja anu kwa Iye, ndikuti, "Ine ndimutsatira Iye. Ine ndimutsatira Iye. Ine ndimukhulupirira Iye. Mawu aliwonse amene Iye anganene, ine ndidzamukhulupirira Iye. Ine ndikakonza moyo wanga. Ine ndikamugwirira Iye ntchito." Mulungu andichitire chifundo! Mulungu akudalitseni inu.

³⁷¹ Ndi angati okhulupirira alipo muno tsopano? Kwezani mmwamba dzanja lanu. [Osonkhana akusangalala—Mkonzi.]

³⁷² Alipo angati amene akufuna kuti ayandikire kwa Iye? Kwezani mmwamba dzanja lanu. [Osonkhana akusangalala—Mkonzi.] Onse amene akufuna kuti ayandikire kwa Iye ndi kumulandira Iye pomwe pano, Iye ali pomwe pano. Uku ndiko Kukhalapo Kwake.

³⁷³ Bambo uyo kumbuyo uko wa vuto la thumbo, izo zatha, m'bale. Mulungu wakuchizani inu nthawi yomweyo.

³⁷⁴ Bwanji, Icho chikungopita paliponse monga choncho, mu Kuwala, kukuzungulira paliponse pamwamba pa nyumbayi. Chirichonse chikhoza kuchitika pakali pano. Ife tikhoza kukhala ndi pentekosite ina, ngati inu mutangokhulupirira zimenezo. [Osonkhana akusangalala—Mkonzi.]

³⁷⁵ Imilirani pa mapazi anu, mmodzi aliyense wa inu. Kwezani mmwamba manja anu kwa Mulungu. Mpatseni Iye matamando. [Osonkhana akusangalala kwambiri ndipo akupemphera—Mkonzi.]

³⁷⁶ Zikomo Inu, Ambuye Yesu. Ife tikukupembedzani Inu, Atate, chifukwa chakuti Inu ndinu Mpulumutsi wathu ndi Mulungu wathu. Inu muli pano. Inu mwawavomerezera Mawu. Inu mwawatsimikizira Iwo kuti ali chomwecho. Inu ndinu Mulungu, Mesiya, yemweyo dzulo, lero, ndi kwanthawizonse. Popanda kulephera, popanda kukaikira, Inu ndinu Ambuye Yesu yemwe uja. Matamando akhale kwa Dzina Lake loyera!

³⁷⁷ Kodi inu mukumukonda Iye? Nenani, “Ameni.” [Osonkhana akuti, “Ameni,” ndipo akusangalala—Mkonzi.]

³⁷⁸ Ndi angati a inu muli okhulupirira tsopano? Kwezani dzanja lanu. [Osonkhana akuti, “Ameni.”—Mkonzi.] Tsopano, Yesu ananena izi, Mwiniwake, “Zizindikiro izi zidzawatsatira iwo amene akhulupirira. Ngati iwo adzaika manja awo pa odwala, iwo adzachira.” Ine sindine mmodzi yekhayo amene ali ndi Mzimu Woyeria. Inu muli nawo Iwo, inunso. Inu ndinu wokhulupirira, chimodzimodzi basi monga m’mene ine ndiliri wokhulupirira. Tsopano musiye kukaikira kwanu konse.

³⁷⁹ Muike dzanja lanu pa winawake ndipo mukhulupirire kuti Mulungu amuchiza munthu ameneyo, malingana ndi Mawu Ake. Ngati Iye adzasunge mtundu uwu...Inu muike dzanja lanu pa winawake, mupite mukawapempherere iwo, ndikuti, “Ambuye, muchizeni munthu ameneyo.” Mupemphera ndipo muwone zimene ziti zidzachitike. Inu ndinu wokhulupirira. [Osonkhana akusangalala ndipo akupemphera—Mkonzi.]

³⁸⁰ Mulungu Wamphamvuzonse, mu Dzina la Yesu Khristu ife tinamugonjetsa Mdierenkezi. Ife tamudzudzula iye, ndipo tang’amba mphamvu yake kuichotsa kwa iye. Ndi mikwingwirima ya Ambuye Yesu Khristu ife tachiritsidwa.

[Osonkhana akupitiriza kumasangalala ndi
kupemphera—Mkonzi.]



KUSIYA ZONSE CHA62-0123
(Forsaking All)

Uthenga uwu wa M'bale William Marrion Branham, woperekedwa mu Chingerezi Lachiwiri usiku, Januwale 23, 1962, ku Sunnyslope Assembly Of God mu Tempe, Arizona, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2014 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org